



KELUARAN  
ANGKATAN  
NAHDHATUL  
ISLAM  
BERSATU  
(BINA)

TAHUN KE 2  
SAFAR 1407 H / OKTOBER 1986

# الهدا AL-HUDA

NOMBOR

14

SIRI PENGAJIAN DAN MEDIA SILATURRAHIM



Perasmian Pembukaan  
Ibu Pejabat  
Angkatan Nahdhatul Islam  
Bersatu (BINA)

قُلَّا نَهْدِي اللَّهُ هُوَ الْهَدِيٌّ  
(البقرة: ١٢٠)

Katakanlah: "Sesungguhnya pertunjuk Allah itulah pertunjuk yang sebenarnya." (Al-Baqarah 120)



## TERHAD UNTUK PARA AHLI SAHAJA

Ibu Pejabat,  
Jalan Datuk Patinggi Haji Abdul Rahman Yakub,  
Petra Jaya, 93050 Kuching,  
Sarawak, Malaysia.

Telifon: 082-443993, 082-443994 ext. 11 atau 31

Islam menjamin Keamanan dan Kebahagian hidup .....	3
Fitnah, Awas Bahaya Fitnah .....	7
Jihad dalam Islam .....	22
Arwa binti Abdul Muttalib .....	27
Ruang Muslimah: Dunia akhirat sama penting .....	29
Wanita Islam kehilangan panduan .....	31
Sifat Mukmin .....	33
Hidup orang-orang beriman .....	43
Sebuah Cabaran Kaum Muslimin Australia .....	47
Berhari raya Idul Adha di Darul Iman .....	49
Jumlah kaum Muslimin di Uni Sofyet .....	52
Berita dunia Islam .....	54
Mimbar Hadist .....	56
Mutiara Hikmat .....	59

## PENGUMUMAN

Tuan-Tuan dan Puan-Puan, Muslimin dan Muslimat sekalian;

Dimaklumkan dengan segala hormatnya bahawa pihak pengurusan penerbitan Risalah AL-HUDA mengalu-alukan sumbangan derma seikhlas hati bagi membaiayai penerbitan seterusnya risalah ini.

Tiap-tiap derma akan dikeluarkan resit resmi yang boleh dikecualikan daripada cukai pendapatan.

Segala sumbangan boleh dialamatkan seperti berikut:-  
 Kepada: Pengarah, Penerbitan Al-Huda,  
 Sekian dimaklumkan, terima kasih. Pengarah  
 Ibu Pejabat BINA,  
 Jalan Tun Datuk Patinggi Haji Abdul Rahman Ya'kub,  
 Petra Jaya, 93050 Kuching, Sarawak.

## PENGURUSAN

Penasihat:

USTAZ HAJI FATHI HAJI DUET

Pengarah:

TAUAN HAJI MOKHSEN IBRAHIM

Timbalan Pengarah/Ketua Unit Penerbitan:

HASAN HAJI HAMZAH

Ketua Unit Pengedaran:

IDRIS BOHARI

Ahli Unit Pengedaran:

USMAN HJ. AFANDI

Rekabentuk:

BUJANG JENAL

## ANGGOTA PENGARANG

Ketua Pengarang:

USTAZ HAJI MORTADZA HAJI DAUD

Penolong Ketua Pengarang:

USTAZ HAJI HASSANOEDDIN ABU  
BAKAR

Sidang Pengarang:

— USTAZ HAJI BAHARUDDIN MANSUR

— USTAZ SYED MUHAMAD ALWI  
AL-ATTAS

— DR. WAN ALI TUANKU MADHI

— USTAZAH ROHANI BINTI AWI

— USTAZ HAJI ALI FATHULLAH HARUN



*Peperangan akan terus berlaku selagi manusia gila kuasa.*

**ISLAM MENJAMIN**  
**KEAMANAN DAN KEBAHAGIAAN**  
**HIDUP**

” ظهر الفساد في البر والبحر  
يحاكى بآيدى الناس ليد يقزم  
بعض الذى عملوا لعلهم يرجحون  
• (الروم : ٤١)

**Maksudnya:-**

”Telah zahir kerosakan di darat dan di laut disebabkan perbuatan tangan manusia, supaya Allah merasakan kepada mereka sebahagian

dari (akibat) perbuatan mereka. Moga-muga mereka kembali (kepada undang-undang Allah).”

(Q:S: 30; A:41)

Dunia berputar, masa beredar, keadaan bertukar ..... demi masa ..... masa yang senantiasa berjalan menuju ketempat perlindungannya, masa yang tetap berganti-ganti dengan membawa perubahan, baik disedari atau tidak disedari oleh manusia. Masa adalah guru yang tidak pandai berkata-kata, tetapi manusia dapat mengambil pelajaran daripadanya. Ber-

SUDAH MENJADI SUNNAH ALLAH, BAHWA TIAP-TIAP SESUATU ITU BERUBAH-UBAH MENAIKI TINGKAT KESEMPURNAANNYA. POHON YANG RENDAH BERANSUR-ANSUR MENJADI TINGGI, HAIWAN YANG KECIL, DARI SEHARI KESEHARI, BERTAMBAH BESAR DAN LAIN-LAIN SEUMPAMANYA.

bahagialah siapa yang pandai berguru dengan peredaran masa, dan rugilah orang yang tak memperdulikan edaran zaman.

Sudah menjadi sunnah Allah, bawha tiap-tiap sesuatu itu berubah-ubah menaiki tingkat kesempurnaan-nya. Pohon yang rendah beransur-ansur menjadi tinggi, haiwan yang kecil, dari sehari keseharian, bertambah besar dan lain-lain seumpamanya. Demikian juga keadaan manusia, dari satu masa kesatu masa tetapi berubah-ubah menuju kemajuan dan kesempurnaan. Dari zaman unta dan kuda ke zaman motosikal dan motokar, keretapi dan tramkar, zaman kapal layar berubah menjadi zaman kapal api seterusnya ke zaman kapal berjentra desel dan solar, akhir-akhir ini ke zaman kapal terbang yang lajunya lebih cepat dari kecepatan suara. Zaman parang dan lembing bertukar ke zaman senapang dan mariam, dan sekarang ia zaman atomik dan hydrogen, esok dan lusa entah zaman apa pula. Semua tingkatan kemajuan yang dicapai oleh manusia adalah menuju keselamatan dan keamanan. Supaya cepat dan lebih aman maka timbullah fikiran membuat kapal-kapal

udara untuk mengganti kapal-kapal laut. Untuk menjaga keselamatan badan dan harta, maka terbitlah fikiran membuat senjata yang bermacam-macam jenis. Akan tetapi, lama kela-maan niat yang mulia itu dicampur oleh niat yang kotor, iaitu selain untuk menjadi keselamatan, juga bertujuan untuk membinasakan, bahkan pengaruh niat yang dibelakang ini semakin kuat dan boleh dikatakan niat yang bermula tadi sudah hapus, oleh kerana dorongan niat yang kedua inilah maka segala bangsa-bangsa dimuka bumi ini, terutama sekali bangsa-bangsa barat berlumba-lumba berbuat ini dan itu. Mereka dengan gigih berusaha menciptakan senjata-senjata baru dan alat-alat moden. Ini pulalah yang menyebabkan negeri-negeri yang sudah merasa dirinya kuat memerangi negeri yang difikirnya lemah. Seperti yang kita ketahui pada tahun 1914 - 1918 terjadilah peperangan dunia yang pertama dan pada tahun 1941 - 1945 terjadilah peperangan dunia yang kedua. Peperangan-peperangan yang dahsyat ini telah memusnahkan harta dan nyawa. Akhirnya timbulah keinsafan di kalangan bangsa-bangsa yang ber-

perang, maka selepas perang dunia yang pertama segera ditubuh Dewan Perwakilan Bangsa-Bangsa, satu badan yang akan menyelesaikan yang kusut; iaitu Dewan Perwakilan Bangsa-Bangsa Dunia yang bertanggungjawab bila terbit pergaduhan. Tegasnya Dewan Perwakilan Bangsa-Bangsa itu diadakan di Geneva, untuk menjauhkan perperangan, tetapi baru saja perwakilan itu tegak, mereka kembali memperkuatkan negeri mereka masing-masing. German yang sudah diikat beramai-ramai oleh negara-negara sekutu bangkit dengan diam-diam. Bukan sahaja pemuda-pemuda German berlatih menjadi askar dan membuat senjata bahkan benteng segspred segera pula dibina sebagai mengimbangkan benteng Maginot yang dibina oleh Perancis. Inggeris juga tidak lupa memperkuuhkan benteng wajanya di Gebrolta dan Singapura. Demikian juga Amerika, Russia dan Jepun tidak tinggal diam-diam saja.

Buat apa mereka bersiap-siap? Untuk apa benteng-benteng, mariam, kapal perang, kapal salam, kapal terbang dan lain-lain? Untuk berperang atau keselamatan/perdamaian? Perang dunia kedua (1941 - 1945) juga telah berlaku dan tamat. Perang inilah menjadi satu dari jawapan kepada pertanyaan tadi.

Inilah satu bukti bahawa undang-undang ciptaan otak manusia tidak dapat mendamai dan mengamankan dunia. Dewan Perwakilan Bangsa-Bangsa tak ubah sebagai tungkul pohon

mati, tidak berjaya sedikit jua, surat-surat perjanjian yang telah mereka buat dan meteri mereka sendiri mengoyak-goyaknya. Mereka kembali berperang, berbunuuh-bunuhan dan rosak-merosakan oleh kerana didorong oleh hawa nafsu yang angkara-murka.

Bumi bermandi darah, angkasa hitam kelam oleh tebalnya asap dari kebakaran berlaku diperukaan bumi, dunia menjadi hingar-bangar, disini mariam berdentum, disana bom meletup membelah tanah, mayat manusia bergelimpangan dengan tidak tentu bentuk rupa aslinya lagi, pekek raung anak-anak yang kehilangan ibu dan ayah, ratap tangis balu-balu yang kehilangan suami. Alangkah kejam dan alangkah ngerinya, akibat dari perbuatan manusia yang berpandukan hawa nafsu tidak berpandu dengan undang-undang ciptaan Allah.

Masa mengajar mereka! Setelah mereka letih bertempur, setelah mereka sudah menyaksi dan merasai betapa besarnya akibat dan bahaya dari hasil perbuatan mereka, maka mereka kembali sedarkan diri. Mereka insaf bahawa perbuatan itu tidak patut, sudah melanggar peri kemanusiaan. Berbunuuh-bunuhan sesama manusia, bermusuuh-musuhan satu bangsa atau kaum dengan yang lain mesti dijauhi. Keinsafan inilah yang membawa mereka bersidang di San Francisco, di Amerika Syarikat dengan keputusan "Hendaklah negeri-negeri di muka bumi ini diserahkan kepada bangsa yang memiliki dan diberi kebebasan

menurut taraf mereka masing-masing serta bangsa-bangsa di muka bumi ini mesti memandang satu terhadap yang lain sebagai keluarga rumah tangga sejagat. Disinilah terbuktinya kebenaran firman ALLAH yang kita nukilkam di permukaan tulisan ini. (Q:S: 30; A: 41)

Adanya mesyuarat kaum sekutu itu berarti sinar Islam semakin nyata. Melihat keputusan mesyuarat di San Francisco dan mesyuarat demi mesyuarat Bangsa-Bangsa Bersatu selepas itu, berarti mereka sudah mendekati Islam, baik mereka sedar atau tidak, kerana Islam telah lebih 14 abad menyerukan perdamaian dan persahabatan manusia sedunia.

Firman Allah:

"يَا أَيُّهَا النَّاسُ إِنَّا خَلَقْنَاكُمْ مِّنْ ذِكْرٍ أَوْ أَنثَى وَجَعَلْنَاكُمْ شُعُوبًا وَّ قَبَائلٍ لِّتَعَارِفُوا . إِنَّ أَكْرَمَكُمْ عِنْدَ اللَّهِ أَتَقْلَمْكُمْ " .  
(الحرات: ١٣).

### Maksudnya:

"Hai Sekalian Manusia! sesungguhnya Kami telah jadikan kamu dari lelaki dan perempuan dan kami telah jadikan kamu berbangsa dan berpuak-

puak gunanya! supaya kamu berkenalan...."

(Q:S: 49; A: 13)

Bagi kita tinggal satu soalan lagi; Adakah mesyuarat San Francisco dan mesyuarat-mesyuarat antara Bangsa-Bangsa dan Bangsa-Bangsa Bersatu selepas itu akan sanggup menjauhkan peperangan dan dapat menciptakan perdamaian dunia? Atau mesyuarat-mesyuarat dan persidangan demi persidangan itu akan mengalami nasib sebagai nasib perwakilan Bangsa-Bangsa pula? Jawapannya tentulah dalam tangan wakil bangsa-bangsa yang bersidang itu, dan dalam edaran masa yang akan datang dapatlah kita saksikan.

Intisari dari ajaran agama Islam menggambarkan bahawa, 'selagi bangsa-bangsa di muka bumi ini masih bersifat tamak-haluba, sifat tindas menindas, tegasnya sifat penjajahan, selama itulah pula dunia tidak akan aman.'

Saya yakin, bahawa percaya dengan ajaran agama Islam dan mempraktikannya sajalah baru dunia menjadi aman, manusia hidup sentosa dan bahagia.

(HAJI MOHD. MORTADZA HAJI DAUD)  
Ketua Pengarang.

## **AWAS BAHAYA FITNAH**

اعوذ بالله من الشيطان الرجيم

واتقوا فتنة لاتصيبنَ الذِّينَ ظلموا مِنْكُمْ خاصَّةً وعلِمُوا أَنَّ اللَّهَ شَدِيدُ العِقَابِ .  
• (الآفَال: ٢٥)

### **Yang bermaksud:**

"DAN HENDAKLAH KAMU JAUHI FITNAH YANG TIDAK AKAN MENIMPA ORANG-ORANG YANG ZALIM DIANTARA KAMU SAHAJA, DAN KETAHUILAH BAHAWASANYA ALLAH AMAT PEDIH SIKSAAN-NYA."

(Q.Q. 8:25)

بِسْمِ اللَّهِ الرَّحْمَنِ الرَّحِيمِ

1.1 **Fitnah.** Kajian kerjasara katan yang pernah menyelidiki sebab musabab terjadinya perselisihan yang membawa kecelakaan, sejak dari mulai lingkungan rumah tangga, keluarga atau famili, sampai kepada lingkungan masyarakat berkampung, bernegeri dan bernegara, adalah kebanyakannya berpunca dari FITNAH.

Fitnah dengan mudah timbul dan berkembang, manakala hubungan antara satu sama lain mulai

retak.

Mengapa hubungan boleh retak? Tak lain tak bukan, melainkan kerana didalam masyarakat itu ada pihak-pihak yang mementingkan diri sendiri, mau menang sendiri.

Mengapa orang samapi mau mementingkan diri sendiri?

1.2 **Hawa Nafus.** Ya, tiap-tiap manusia itu mempunyai hawa nafsu disamping memeliki akal. Kedua-dua unsur ini boleh saling menguasai. Kalau akal dapat menguasai hawa nafsu, maka hidup

bermasyarakat boleh di-kendalikan. Sebaliknya, kalau hawa nafsu menguasai akal, maka timbulah sikap mementingkan diri sendiri, lalu hubungan diri dengan orang lain menjadi renggang.

Memang, hawa nafsu berpantang kerendahan dan berpantang kekurangan. Ia tak pernah merasa puas. Ia cenderung mendorong manusia kepada kejahanan.

• ان النفس لاتنارة بالسوء •

(يوسف: ٥٣)

“Sesungguhnya nafsu menyuruh kepada kejahanan.”

(Q.S. 12:53)


Tetapi nafsu itu boleh dikendalikan dan dikawal oleh akal yang sihat, yang dipimpin oleh pertunjuk Ilahi.

سَارِحٌ رَّبِّيْ .

(يوسف : ٥٣)

“Yang diberi rahmat oleh Tuhanmu.”

(Q.S. 12:53)



Syaitan sentiasa menghasut dan memfitnah pada jiwa manusia, maka terjadilah perbalahan.

Maksudnya ialah nafsu yang terkawal oleh akal sihat, yang dipimpin oleh pertunjuk Allah.

1.3 **Peranan Syaitan.** Kalau orang sudah tidak mau mengindahkan pertunjuk Allah, kufur atau ingkar terhadap ajaran Islam, dan terjerumus kepada ke-musyrikan, maka ia pasti jatuh kebawah pimpinan syaitan.

وَالَّذِينَ كَفَرُوا إِلَيْهَا وَهُمُ الظَّاغِنُونَ  
(البقرة : ٢٥٢)

"Dan orang-orang yang kafir, pelindung-pelindungnya ialah syaitan-syaitan."

(Q.S. 2:257)

يَخْرُجُ وَنَهْمٌ مِّنَ النَّارِ  
إِلَى الظُّلُمَاتِ .

(البقرة : ٢٥٢)

"Syaitan, yang akan membawanya dari cahaya terang kepada kegelapan."

(Q.S. 2:257)

Ya'ni dari berpengetahuan kepada kejahanan, dari berfikir moden kepada tradisi serba tahayul dan khurafat, akhirnya dari suasana keamanan dan ketenteraman kepada kegaduhan

dan kekacauan.

Kalau seseorang sudah dipengaruhi oleh hawa nafsu, maka dalam hatinya tumbuh berbagai penyakit, seperti:- cemburu, curiga, hasad dengki, tamak haloba, haus kuasa, sompong, pantang tersinggung, pantang dikritik, maunya selalu disanjung saja, dan sebagainya.

Maka syaitan yang selalu mengintip, mencari peluang untuk menggoda dan menjerumuskan manusia kelembah kejahatan, dengan cekatan menghembus-hembus dan menghidupkan benih penyakit-penyakit yang sedia ada didalam hati orang itu.

الْوَسْوَاسُ الْخَنَاسُ ،  
الَّذِي يُوَسْوِسُ فِي  
صُدُورِ النَّاسِ .

"Yang mengintip-ngintip, mencari peluang, yang membisik-bisikkan kejahatan kedalam dada manusia."

"Ya'ni, syaitan dari jenis jin dan dari jenis manusia."

مِنَ الْجِنَّةِ وَالنَّاسِ .

Maka syaitan-syaitan jenis jin dan manusia itu bekerja dengan giatnya menyebar penyakit-penyakit itu kepada orang ramai.

Mereka pintar menyusun strategi dan mengatur pembahagian tugas dalam operasi. Ada yang menghadapi ketua-ketua daripada masyarakat itu, ada yang mengahadapi golongan belia, golongan wanita, buruh, tani, nelayan dan sebagainya. Isu-isu ditimbulkan, kabar bohong disebarluaskan, surat layang dikirimkan.

Bahkan berbagai ancaman dikeluarkan! Masyarakat orang ramai jadi panik, bingung dan takut. Maka keluarlah perintah memilih pihak, pihak sini atau pihak situ!

Menjadilah masyarakat berpecah belah. Mereka yang lemah imannya, tentulah berpihak kemana "angin yang keras." Berhasillah siasat syaitan!

Persatuan dan perpaduan yang selama ini didambakan, dibanggakan dan dirasakan faedahnya, sekarang hancur berkecaci. Tak sesiapa diantara golongan-golongan yang bertelingkah itu yang akan berjaya, yang satu jadi abu, yang lain jadi debu. Mahkota yang tadinya terjunjung dikepala kita, akhirnya terpaksa pindah kekepala orang lain.

Inilah bahaya fitnah. Bukan seorang dua yang menderita,

tetapi keseluruhannya hancur binasa.

Dari awal-awal lagi Allah swt telah memperingatkan dalam surah 2(Al-Baqarah) ayat 191, bahwa:

وَالْفَتْنَةُ أَشَدُّ مِنِ الْقَتْلِ  
• (البقرة: ١٩١) •

"DAN FITNAH ITU LEBIH DAHSYAT DARIPADA PEMBUNUHAN."

2. APA YANG MESTI DIBUAT OLEH UMMAT ISLAM DALAM MENGHADAPI BAHAYA BESAR INI?

Setelah kita sedari betapa besarnya bahaya fitnah itu, maka mestilah kita:

2.1 Berjaya-jaga sebelumnya; jangan sampai fitnah itu timbul.

Diatas tadi sudah diterangkan tentang gejolak hawa nafsu yang ada didalam diri kita masing-masing. Maka untuk dapat mengendalikan hawa nafsu ini, kita mesti memperkuatkan peranan akal yang sihat. Setiap orang boleh mengasah akal dan mempertajam daya fikirnya melalui pelajaran dan pendidikan. Setiap orang boleh pandai dan berpelajaran setinggi-tingginya. Tetapi mempunyai fikiran yang tajam dan berpelajaran tinggi sahaja tidak cukup. Berapa banyaknya orang-orang berpengetahuan

tinggi, para intelektual dinegara-negara maju, menjadi mangsa dari minuman keras, padahal mereka tahu minuman keras itu berbahaya bagi kesihatan. Berapa banyaknya orang berpengetahuan, berpangkat tinggi, bahkan yang kaya raya jatuh kelembahan persundalan, sedang mereka tahu, bahwa pekerjaan itu dapat merebakkan penyakit-penyakit berbahaya, lebih-lebih penyakit "AIDS" yang sangat ditakuti itu, bahkan dapat menghancurkan rumah tangga dan keturunannya sendiri. Berapa banyaknya orang-orang yang berpengetahuan, baik yang kaya maupun yang miskin di negara-negara maju, menghabiskan masa dimeja judi dan bertaruh diberbagai macam perlombaan, padahal mereka tahu, bahwa pekerjaan itu hanya merugikan semata-mata, bahkan banyak yang jatuh bangkrup kerananya. Bahkan di zaman moden ini, dimana sains dan teknologi-sudah begitu maju, namun terdapat diantara para intelektual yang kehilangan akal, tertumbuk dalam usahanya, dalam mengatasi beberapa problem yang dihadapinya, lalu mereka lari kepada bomoh-bomoh untuk minta pertolongan melalui jampi-jampi bagi mendapatkan kekuatan gaib. Konon katanya untuk mendapatkan kejayaan

menerusi jalan pintas (short cut)!

Demikianlah keadaannya, kalau orang hanya mengandalkan ilmu yang dihasilkan oleh akal fikiran semata-mata. Ia pasti lemah dan tak berdaya menghadapi kesulitan-kesulitan. Ia kembali kealam jahiliah, jahiliah moden!

2.2 Tuntut ilmu yang diizinkan oleh Allah dan gunakan menurut aturannya

Sebab itulah Agama Islam meletakkan dasar yang kuat dalam menuntut ilmu dan dalam menggunakan ilmu itu.

Dalam surah 96 (A'-alaq), Allah swt. telah memberi arahan:

اقر أ باسم ربك الذي خلق،  
خلق الإنسان من علقة،  
اقر أ وربك الأكرم،  
الذى عالم بالقلم،  
علم الإنسان ماله يعلم.

Yang bermaksud:

"Bacalah dengan nama Tuhanmu, Yang Menciptakan. Dia telah menciptakan manusia dari (semacam) gumpalan darah. Bacalah, dan Tuhanmu yang paling Pemurah. Yang mengajar manusia dengan perantaraan kalam. Dia mengajarkan kepada

manusia apa yang tidak diketahuinya.”

“Bacalah”, maksudnya tidak hanya sekedar membaca huruf-huruf, akan tetapi mempelajari, memahami dan mengamalkan. Dan hal ini mesti dikerjakan dengan nama Allah Yang Maha Kuasa, sebab kita tak dapat mengerakkan bibir atau lidah kita untuk membaca, kalaularah tidak dengan kuasa yang diberi Allah kepada kita. Kita tidak dapat menangkap dengan fikiran kita sesuatu ilmu, kalaularah otak kita tidak diberi tenaga oleh Allah untuk berfikir, kita tak dapat bekerja menggunakan ilmu itu, kalau Allah tak beri kepada kita tenaga dan kekuatan, bahkan kita sendiri tak dapat hidup, kalaularah Allah tidak beri kita nyawa. Jadi setiap orang yang menuntut ilmu, mestilah ingat dan selalu berterima kasih kepada Allah swt. Kalau ilmu itu sudah diperolehi, maka kita diwajibkan menggunakananya dan mengamalkannya, juga dengan nama Allah, dengan mengingat kepada aturan dan cara-cara yang baik, sesuai dengan ajaran Agama Nya, ya’ni Syariat Islam yang suci.

Dan dalam segala hal kita bersandar kepada Allah, tanpa menyekutukan Nya. Barulah ilmu itu ada manfaat dan berkatnya.

Kalau tidak demikian, ilmu dan teknologi itu boleh merusak dan membahayakan kepada kita sendiri dan kepada orang ramai. Intelektuals Islam tidak pernah sombong dengan ilmunya, kerana dia tahu, bahwa ia tidak akan dapat memperolehi ilmu itu, kalaularah Allah tidak mau memberi kepadanya, sebab pada hakikatnya:

### علم الانسان مالم يتعلم • (الحلق: ٥)

“Allah yang mengajarkan ilmu itu kepada manusia, yang tadinya dia tidak tahu” (ayat 5, surah A’alaq).

Kerana itu ia tak boleh sia-siakan ilmu itu dan ia tak boleh pakai untuk tujuan-tujuan yang tidak disukai oleh Allah!

Maka otak yang penuh dengan ilmu daripada Allah tersebut itulah yang dipakai dan digunakan bagi mengendalikan hawa nafsu itu. Itulah makna daripada otak yang terpimpin dengan pertunjuk Allah!

Bukanlah otak itu dibiaran untuk dikendalikan oleh hawa nafsu! Maka, kalau hawa nafsu sudah dapat dikendalikan dengan otak yang waras mengikut pertunjuk Allah, hatipun boleh

tenang, segala tindakan boleh dikontrol, maka syaitan tidak dapat masuk campur tangan!

Kita dapat menguasai diri. Perasaan marah atau kesal yang tadinya ada bersemi dalam dada, dapat dipadam dengan segera! Dengan sendirinya fitnah tidak jadi timbul.

### 2.3 Ibadah memperkuat keimanan dan ketahanan diri

Disinilah letaknya peranan ibadah, seperti sembahyang, puasa, zakat, haji dan sebagainya sebagai latihan dan tamrin bagi setiap orang yang beriman untuk membiasakan diri selalu ingat kepada Allah, ingat kepada pertunjuk dan hukum hakamNya, lalu sanggup mengendalikan diri supaya senantiasa mengerjakan amal-amal yang baik dan takut menghampiri perkara-perkara yang merbahaya dan yang menjatuhkan marwah. Jadi, orang-orang yang berilmu, bagaimanapun tinggi ilmunya, kalau tidak biasa mengerjakan ibadah-ibadah tersebut, tidak terlatih dalam menahan diri daripada rayuan hawa nafsu, maka dengan mudah ia menjadi mangsa daripada syaitan. Sedang syaitan-syaitan itu adalah musuh yang nyata!

انَّ الشَّيْطَانَ لِلْأَنْسَانِ عَدُوٌّ  
مبينٌ •  
(يوسف: ٥٠)

“Sesungguhnya syaitan itu adalah musuh yang nyata bagi manusia.”

(Q.S. 12:5)

3. Kalau api fitnah itu sudah mulai menyala, maka kita mesti segera memadamkannya. *p.*

3.1 Sebelum api fitnah itu merebak, maka setiap orang yang sedar akan bahaya-bahaya yang bakal timbul, hendaklah berusaha mengadakan hubungan dengan pihak-pihak yang berkenaan secara langsung ataupun secara tidak langsung. Hubungan secara langsung dilaksanakan, kalau orang yang sedar itu mempunyai hubungan rapat, atau lebih baik lagi mempunyai pengaruh terhadap yang bersangkutan. Dengan cara berbincang dari hati kehati mudah-mudahan dapat terbuka kebenaran dan kesedaran pada yang bersangkutan, sehingga ia dapat membatalkan dan menghabisi segala perasaan yang tidak baik yang disimpan didalam hatinya. Manakala hubungan secara tidak langsung mula diadakan, ialah untuk mendapatkan lidah yang lebih tajam dengan cara-caranya yang lebih berkesan daripada orang-orang yang lebih dapat diterima oleh yang bersangkutan, sehingga ia tidak merasa diajari, kecuali oleh orang diseganiinya.

Langkah-langkah yang bijaksana seperti tersebut diatas perlu diambil dan dilaksanakan dengan secermat-cermatnya sambil bertawakkal kepada Allah Yang Maha Bijaksana, sebagaimana pertunjuk-Nya dalam Surah 16 (An-Nahl), ayat 125:

ادع الى سبيل ربك بالحكمة  
والموعظة الحسنة وجاد لهم  
بالتى هي احسن .  
(النحل: ١٢٥)

yang bermaksud:

“Serulah kejalan Tuhanmu dengan bijaksana dan nasihat yang baik, dan bertukar fikiran-lah dengan mereka dengan cara yang baik.”

Siapa saja yang melihat asap fitnah, mestilah segera mencari punca apinya. Api fitnah tak boleh dibiarkan menjalar kemana-mana, sebab ia boleh membahayakan seluruh masyarakat orang ramai. Ia tidak hanya membinasakan segolongan orang yang dituju, akan tetapi akhirnya akan memusnahkan seluruh isi kampung atau isi negeri. Itulah yang dimaksudkan oleh ayat 25 surah Al-Anfal tersebut diatas. Orang-orang yang suka membuat dan menyebar fitnah pasti akan celaka.

3.2 Kisah Abu Lahab dan isterinya, Ummu Jamil, telah dirakamkan didalam Al-Quran, surah 111 (Al-Lahab):

تَبَّتْ يَدَا أَبِي لَهِبٍ وَتَبَّ  
مَا أَغْنَى عَنْهُ مَالُهُ وَمَا كَسَّ  
سِيلًا نَارًا ذَاتٌ  
لَهِبٌ، وَامْرَأَتُهُ حَمَالَةُ الْحَطَبِ  
فِي حَيْدٍ هَا حَبَلٌ مِنْ مَسِيدٍ .  
(اللهب: ١١١)

yang bermaksud:

“Binasalah kedua tangan Abu Lahab dan sesungguhnya dia akan binasa. Tidaklah berfaedah kepadanya harta bendanya dan (tidak) apa yang ia usahakan. Kelak dia akan masuk kedalam api yang menjulang-julang. Dan (begitu pula) isterinya, pembawa kayu bakar, yang dilehernya ada tali daripada sabut.”

Kedua-duanya adalah tukang-tukang fitnah, yang juga menggunakan wang ringgitnya untuk menghasut, memanaskan hati, supaya orang ramai benci dan memusuhi Nabi Muhammad s.a.w. Bahkan Abu Lahab, yang kaya itu, menggunakan harta kekayaannya untuk membiayai pasukan kaum kafir Quraisy dalam perang Badar melawan pasukan kaum Muslimin. Tetapi

perang ini berakhir dengan kekalahan dipihak kaum kafir Quraisy. Isterinya yang bernama Ummu Jamil, kuat dan giat menyebar fitnah, lebih-lebih terhadap sesama kaum wanita, supaya membenci dan memusuhi Nabi Muhammad dan perempuan-perempuan yang sudah masuk Islam. Ia pergi kesana-sini "membawa kayu bakar" ya'ni menghidupkan api fitnah. Dilehernya tergantung, tali sabut kelapa, juga maksudnya adalah untuk menghidupkan api fitnah kebencian terhadap kaum Muslimin dan Muslimat. Kata Allah dalam surah yang berkenaan, kedua-dua tukang fitnah itu pasti celaka, dan kelak mereka akan dimasukkan kedalam api neraka yang bernyala-nyala.

- 3.3 Fitnah besar yang pertama dalam sejarah ummat Islam, ialah semasa pemerintahan Khalifah 'Ustman bin Affan. Beliau adalah seorang sahabat Nabi yang wara', seorang ahli ibadat. Setelah wafat Amirul Mu'minin Umar bin Khattab, beliau terpilih menjadi Khalifah yang ketiga. Walaupun beliau seorang yang 'alim dan wara', tetapi ada sedikit lemah terhadap famili dari suku kaumnya dalam Bani Umayyah,

Atas desakan kaumnya, beberapa jabatan penting diserahkan kepada kerabat dalam Bani Umayyah. Oleh kerana itu timbul beberapa golongan yang tidak puas dengan tindakan beliau, lalu mendesak supaya dilakukan pertukaran-pertukaran, diantaranya ialah pertukaran gobnor-gobnor. Beliaupun melaksanakan beberapa cadangan-cadangan tersebut. Di Wilayah Mesir rupanya memang sudah lama rakyat tidak merasa senang terhadap Gobnornya. Khalifah Ustman telah mengirim utusan ke Mesir untuk menyampaikan surat ketetapan pemberhentian Gobnornya itu. Tetapi dalam pada itu terdapat pula sepucuk surat atas nama Khalifah, memakai cop tanda tangan beliau sendiri, yang isinya ialah memerintahkan supaya utusan yang sedang dalam perjalanan itu, dibunuhan saja. Pada hal, yang sebenarnya, Khalifah tidak tahu menahu dengan surat itu. Setiausaha sulit beliau yang bernama Marwan bin Hakam, yang memegang cop mohor itu, sama sekali tidak pernah membuat surat perintah membunuh utusan itu. Inilah rupanya bentuk fitnah dari pihak orang dalam sendiri, yang tidak suka terhadap tindakan pemberhentian dan pertukaran gobnor itu. Rakyat Mesir, yang memang sudah lama

tidak merasa senang terhadap pegawai-pegawai kanan dari keluarga Mu'awiyah itu, lalu memberontak. Khalifah Ustman yang sudah berumur meningkat tua itu akhirnya mati terbunuh, ketika beliau sedang membaca Al-Quran. Pihak pemberontak melantik 'Ali bin Abi Thalib menjadi Khalifah dengan cara terburu-buru, ya'ni tidak melalui musyawarah para "ahlul hilli wal-aqqi" iaitu Majlis Syura yang terdiri dari para sahabat yang alim dan bijak pandai, seperti biasanya dalam mengangkat Khalifah-khalifah sebelumnya.

Kerananya beberapa orang sahabat yang kenamaan lari meninggalkan Madinah, diantaranya ialah Zubair bin Awam dan Thalhah bin 'Ubaidillah. Mereka pergi ke Mekkah mendapatkan Ummul Mu'minin, Sitti Aisyah, yang sedang menunaikan ibadah haji disana. Lalu ketiga-tiga tokoh sahabat ini bergabung mengadakan pakatan untuk menentang 'Ali, sebab menurut mereka 'Ali telah diangkat menjadi Khalifah tidak mengikut tata-cara musyawarah, melainkan dengan secara paksaan sahaja.

Dalam pada itu Mu'awiyah di Syam belum mau mengakui pengangkatan Ali sebagai Khalifah, dengan dalih mau menuntut bela

atas kematian Usman, sebagai ahli keluarga yang terdekat kepada mereka dalam Bani Umayyah.

Khalifah 'Ali bin Abi Thalib merasa bertanggungjawab atas keamanan dan keselamatan ummat, lalu segera mengambil tindakan-tindakan pengamanan. Pertama-tama beliau terpaksa mengerahkan asykar Muslimin dari Madinah untuk menghadapi golongan ummat yang sudah dipengaruhi oleh Aisyah, Zubair dan Thalhah, sehingga terjadilah "perang Onta" yang terkenal itu. Disebut "perang Onta", kerana Sitti Aisyah pada masa itu menunggang Onta. Dalam perang itu Zubair dan Thalhah mati terbunuh, sedang Aisyah tertawan, lalu diiringkan kembali ke Madinah.

Selepas itu 'Ali menghadapkan kekuatannya pula kepada pihak Mu'awiyah. Maka terjadilah peperangan Shiffin, yang tak asing lagi dalam sejarah Islam. Satu peperangan yang hebat, yang memusnahkan 35,000 orang asykar pihak Ali dan 45,000 orang dari pihak Mu'awiyah.

Kemudian terjadilah gencatan senjata, dan perundingan diadakan di Daumatul Jandal diantara utusan Mu'awiyah dan

utusan Ali. Pihak Mu'awiyah diwakili oleh Amr bin 'Ash, seorang Panglima dan ahli politik, dan pihak 'Ali diwakili oleh Abu Musa Al-'Asyari, seorang tokoh ulama. Dalam perundingan itu Abu Musa kalah siasat, dan Amr bin Ash menang diplomasi.

Dalam pada itu timbulah satu golongan radikal, yang terdiri dari kaum belia. Golongan ini dipanggil dengan sebutan 'Khawariji'. Menurut mereka segala kekecohan dan perpecahan ini adalah disebabkan tiga orang pemimpin yang tidak mau berhadapan satu sama lain dengan jujur. Mereka itu ialah Ali, Mu'a'wiyah dan Amr bin Ash. Mereka bermuafakat hendak membunuh ketiga-tiga tokoh ini. Tetapi, sayang, mereka tak berhasil. Mereka hanya dapat membunuh Ali bin Abi Thalib sewaktu beliau berada di Kaufah.

Maka dengan sebab Fitnah pertama yang timbul di Madinah tadi tidak diawasi dari permulaan terjadinya, maka pecah-belah kaum Muslimin sampai sekarang bekasnya masih dapat dirasakan.

Pada akhir ayat 25 surah Al-Anfal tersebut Allah swt, minta perhatian dengan firmanNya:-

واعلموا ان الله شديد

"Dan ketahuilah, bahwasanya Allah amat pedih siksaanNya."

Memang sudah menjadi kenyataan, betapa hebatnya siksaan lahir dan batin yang kita derita diatas dunia ini, lantaran fitnah besar yang sampai menewaskan pemimpin-pemimpin Islam, seperti Usman, Ali, Zubair dan Thalhah, iaitu sahabat-sahabat Rasulullah s.a.w., yang telah berjasa besar menegakkan Islam, berjuang bersama-sama dengan Rasulullah s.a.w.

Dan hal ini akan selalu terjadi, manakala kita tidak waspada terhadap fitnah-fitnah, yang hendak memecah belahan perpaduan kita sesama ummat Islam khasnya, dan seluruh bangsa amnya. Korban akan berjatuhan, korban harta dan korban jiwa! Sebagaimana telah diterangkan diatas tadi, bahwa fitnah ini berasal daripada syaitan-syaitan, baik ia berbangsa jin ataupun berbangsa manusia, yang berusaha dengan segala tipu dayanya untuk menggerakkan hawa nafsu seseorang dan nafsu masyarakat tertentu bagi memenuhi kepentingan diri ataupun kepentingan keluarga

dan golongan sendiri. Kalau hawa nafsu itu sudah berkobar, maka berbagai isu negatif ditimbulkan. Hasung siasat, hasad dengki, kabar bohong, surat layang dan lain-lain sebagainya pun bertebaran keman-mana. Kalau sudah terjadi perbelahan, pertelingkahan diapi-apikan, satu golongan menyerang golongan lain, mula-mula dengan mulut, kemudian dengan tulisan di-akhtar-akhtar, dan akhirnya meletuslah perkelahian ..... dan peperangan bersenjata!

Ancaman Allah terhadap orang-orang yang suka membuat fitnah sungguh sangat berat. Dengarkanlah firman Allah swt. dalam surah 85 (Al-Buruj), ayat 10:

أَنَّ الَّذِينَ فَتَنُوا الْمُؤْمِنِينَ  
وَالْمُؤْمِنَاتِ ثُمَّ لَمْ يَتُرِكُوا  
فَلَهُمْ عَذَابٌ أَبْعَدُ مِنْ جَهَنَّمَ وَلَهُمْ  
عَذَابٌ أَحْرَقِ

(البروج: 10)

yang bermaksud:

"Sesungguhnya orang-orang yang membuat fitnah terhadap orang-orang Mu'min, laki-laki dan perempuan, kemudian mereka tidak bertaubat, maka adalah bagi mereka azab jahannam, dan bagi mereka azab neraka yang membakar."

#### 4. PENYELESAIAN BIJAKSANA DAN TEGAS.

Jika sudah nyata puak-puak yang bertelingkah kerana fitnah, maka ummat Islam yang tidak terlibat wajib turun tangan untuk menyelesaikannya.

Tindakan penyelesaian itu terutama dilakukan oleh ummat Islam yang ada dalam Negeri itu sendiri.

Akan tetapi, sekiranya ummat Islam didalam Negeri itu tidak mampu kerana berbagai sebab, maka ummat Islam diluar batas Negeri itu mestilah ikut memberi bantuannya.

#### 4.1 Perdamaian

Tindakan pertama ialah mendamaikan pihak-pihak yang bertelingkah, dengan membawanya kemeja perundingan. Tindakan ini adalah sesuai dengan pernyataan dan arahan Allah didalam surah Al-Hujurat, ayat 10:

إِنَّمَا الْمُؤْمِنُونَ أَخْوَةٌ  
فَامْلأُوهُوا بَيْنَ أَخْرِيْكُمْ

(الحجرات : 10)

yang bermaksud:-

"Sesungguhnya orang-orang Mu'min adalah bersaudara. Kerana itu damaikanlah diantara kedua golongan saudaramu."

(Q.S. 49:10)

Perintah ini ditujukan kepada orang-orang Mu'min, ya'ni semua saudara-saudara yang seiman dan secita-cita, dengan tidak mengira batas kebangsaan dan batas wilayah pemerintahan. Sebab itulah, sebagaimana telah disinggung diatas tadi, makanya orang-orang Mu'min atau orang-orang Islam yang diam diluar batas negeri yang berkenaan wajib memberikan bantuannya, sekiranya penyelesaian itu tidak dapat dan tidak sanggup dilaksanakan oleh saudara-saudara seiman yang diam didalam negeri itu sendiri.

Campur tangan dari pihak yang bukan Islam sangat-sangat tidak dikehendaki!

Perundingan hendaklah dilakukan oleh orang-orang yang diakui oleh kedua belah pihak, baik dari segi kedudukannya maupun dari segi ilmu dan kefahamannya didalam Agama Islam. Sebab ianya mestilah dilaksanakan melalui sistem MUSYAWARAH, sebagaimana telah diarahkan dalam Surah Asy-Syura, ayat 38:-

•  
**وَأَمْرُهُمْ شُورٰي بَيْنَهُمْ** •

•  
**(الشورى : ٣٨)**

yang bermaksud:-

"Dan segala urusan mereka hendaklah diputuskan dengan musyawarat diantara mereka sendiri."

Dan dalam Surah Ali-Imran, ayat 159 pula tersebut:-

•  
**وَشَارِحُهُمْ فِي الْأَمْرِ**

•  
**(آل عمران: ١٥٩)**

yang bermaksud:-

"Dan bawalah mereka bermusyawarah tentang perkara itu."

Dalam majlis musyawarah itu masing-masing hendaklah berlaku jujur dan ikhlas kerana Allah, dan mengemukakan pendapat-pendapat dan hujjah-hujjah berdasarkan Al-Quran atau Al-Hadist yang sahih.

Hal ini adalah mengikut perintah didalam Surah 4 (Annisa', ayat 59).

•  
**فَإِن تَنَازَعْتُمْ فِي شَيْءٍ فَرُدُّوهُ إِلَى اللَّهِ وَالرَّسُولِ . (النَّاسُ : ٥٦)**

yang bermaksud:

"Jika kamu berselisih pendapat tentang sesuatu, maka kembalikanlah ia kepada Allah (Al-Quran) dan Rasul (Sunnahnya)."

Inilah sebabnya orang-orang yang tidak beriman atau orang-orang bukan Islam tidak dapat mencampuri masalah perselisihan diantara sesama ummat Islam, sebab mereka tidak mengetahui tentang

ajaran Al-Quran dan Sunnah Nabi Muhammad SAW, apalagi akan mempercayainya.

Tetapi ummat Islam yang beriman, mestilah patuh kepada hukum yang telah ditentukan oleh Allah dan Rasul, seperti termaktub didalam Al-Quran dan Al-Hadist yang sahih.

Maka semua yang duduk didalam majlis musyawarah tadi tentu akan dapat mencari penyelesaian berdasarkan kebenaran yang sama-sama diimani dan diyakini; iaitu kebenaran yang hakiki daripada Allah dan Rasul. Disini dapatlah difahami, bahwa keputusan diambil tidak berdasarkan sistem demokrasi melalui pemungutan suara, dimana suara yang terbanyak dapat mengalahkan suara yang sedikit.

Setelah keputusan diambil dan ditetapkan, maka semua pihak hendaklah bertawakkal kepada Allah dalam mematuhi dan mengamalkan segala keputusan itu.

Ini sesuai dengan arahan Allah dalam Surah Ali-Imran, ayat 159:-

فَإِذَا عَزَّمْتَ فَتَوَكِّلْ عَلَى اللَّهِ  
• (آل عمران: ١٥٩)

yang bermaksud:

“Kemudian jika kamu telah membulatkan tekad, maka bertawakkallah kamu kepada Allah (dalam menta’atinya)..”

#### 4.2 Tindakan Keras.

Akan tetapi, sekiranya diantara dua golongan yang bertelingkah itu masih saja ada yang tidak mau tunduk kepada keputusan yang telah diambil berdasarkan Al-Quran dan Sunnah Rasul itu, maka tibalah saatnya supaya diambil tindakan keras terhadap golongan yang berdegil itu.

Dalam Surah 8 (Al-Anfaal) ayat 39 Allah Ta’ala memberi arahan sebagai berikut:-

وَقَاتِلُوهُمْ حَتَّىٰ لَا تَكُونُ فِتْنَةً  
وَيَكُونُ الدِّينُ كَلِمَةً اللَّهِ ، فَإِنْ انتَهُوا  
• فَإِنَّ اللَّهَ بِعَاتِحِّهِ مَوْلَانِّهِ بِصَرِيرٍ

(الأنفال: ٣٩).

yang bermaksud:-

“Dan perangilah mereka, supaya jangan ada fitnah” (ya’ni, supaya jangan ada gangguan-gangguan terhadap ummat Islam dan Agamanya) dan supaya Agama itu semata-mata bagi Allah. Jika mereka berhenti (dari mengingkari kebenaran Allah), maka sesungguhnya Allah Maha Me-

lihat apa-apa yang mereka kerjakan."

Dalam hal ini seluruh ummat Islam mestilah bersatu padu dalam menghadapi setiap cabaran yang menggugat dan menjelaskan HAK dan KUAT KUASA daripada KEBENARAN ALLAH dan RASUL-NYA. Kita, ummat Islam, sudah diperintah oleh Allah Subhanau wa Ta'ala, supaya setia kepada tugas hidup kita diatas dunia ini, iaitu:-

**"MENEGAKKAN YANG MA'RUUF  
DAN MELARANG YANG  
MUNGKAR"**

Semboyan perjuangan hidup kita ialah, sebagaimana yang ditunjukkan didalam Al-Quranulkarim, Surah Al-Isra' ayat 81:-

وَقُلْ جَاءَ الْحَقُّ وَزَهَقَ الْبَاطِلُ،

أَنَّ الْبَاطِلَ كَانَ زَهْقًا

• (آلِّا : ٨١)

yang bermaksud:

"Dan katakanlah: YANG BENAR MESTI DATANG, YANG BATIL MESTI LENYAP. SESUNGGUHNYA YANG BATIL ITU ADALAH SESUATU YANG PASTI LENYAP."

Inilah TEKAD daripada kita semua, pejuang-pejuana KEBENARAN!!!

Semoga kita semua terseleamat dari segala mara bahaya dan kehancuran, INSYA-ALLAH.

Wabillahittaufiq wal Hidayah.  
(OLEH HASAB)

رَبَّنَا لَا تَجْعَلْنَا فِتْنَةً لِلَّذِينَ

كَفَرُوا وَأغْرِنَا رَبَّنَا إِنَّكَ أَنْتَ الْعَزِيزُ الْحَكِيمُ .

(المتحنة : ٥)

Ya tuhan kami, janganlah engkaujadikan kami (sasaran) fitnah bagi orang kafir, Dan ampunilah kami, Ya tuhan Kami sesungguhnya engkau, engkaulah yang Maha Perkasa Lagi Maha Bijaksana.

# JIHAD DALAM ISLAM

---

Oleh: (Haji Mohd. Mortadza B. Haji Daud)

---



*BERJIHAD Luar dari hukum tuhan adalah salah.*

Perjuangan adalah satu desakan jiwa yang sangat penting yang sangat dikehendaki oleh sesuatu umat atau sesuatu bangsa yang ingin maju, ingin bahagia dan terselamat dari ancaman

dan penganiayaan golongan yang tidak berperikemanusiaan. Dengan adanya sifat perjuangan ini maka akan terselamatlah makhluk yang lemah dari penganiayaan dan kezaliman; dengan

perjuangan juga dapatlah keadaan yang gelap-gulita menjadi terang benderang, sehingga seluruh manusia dapat merasai kebahagiaan hidup dengan cahayanya yang terang dan bersinar itu. Perjuangan adalah terkenal disisi umat Islam dengan panggilan JIHAD.

Tiap-tiap yang hendak mencapai cita-citanya dia mesti berjuang. Tidak ada sesuatu benda yang dikehendaki dapat dicapai tanpa perjuangan. Jika takut berjuang lebih baik tak usah mempunyai cita-cita.

Seseorang tak boleh tidak menempuh halangan dan tentangan, kesusahan dan penderitaan. Jika kurang sabar atau lemah semangat dalam perjuangan, tentu sekali cita-citanya gagal yang membawa keciwa. Umpamanya, kalau takut disengat lebah kita tidak dapat merasai kelazatan madunya; jikalau Junjungan kita, Nabi Muhammad (s.a.w.) tidak berani berjuang dan berkorban menghapuskan i'tikad dan kepercayaan yang sesat dan karut daripada kaum bangsanya; jika beliau takut berjihad mengkorbankan masa, tenaga, harta dan jiwa-raganya untuk menyeru manusia kejalan Allah, tentulah agama Islam tidak maju didunia ini sebagaimana kita dapat saksikan sendiri.

Banyak kali didalam Al Quran ALLAH berfirman tentang JIHAD. Jihad atau perjuangan yang utama disisi Allah ialah Jihad Fi Sabilillah

(جهاد في سبيل الله)

berjuang dijalan Allah dengan hati yang tulus ikhlas dengan tidak mengenal penat dan lelah; bahkan para mujahidin/pejuang itu bercita-cita dan berusaha dengan sungguh-sungguh hati bagi menegakkan ajaran Allah yang bercogakan kalimah: La illaha illallah Muhammadur Rasulullah

(لا إله إلا الله محمد رسول الله)

Mereka yang berjuang menurut undang-undang Allah, mereka lah yang akan mendapat kemenangan didunia dan kebahagiaan diakhirat.

#### Firman Allah:

رَأْنَفِرُوا خِفَافًا وَتَقَالَّ وَجَاهُوكُمْ  
عَمَّا مَا لَمْ يَرُو وَانفَسِكُمْ فِي سَبِيلِ اللَّهِ  
ذَلِكُمْ خَيْرٌ لَكُمْ  
إِنْ كُنْتُمْ تَعْلَمُونَ

• (التوبه : آية ٤٤) •

#### Maksudnya:

“Keluarlah kemedan peperangan bersenjata yang ringan dan yang berat, berjalan kaki atau bertunggangan. Berjuang dan berkorbanlah dengan harta-benda dan jiwa-raga pada jalan ALLAH. Yang demikian itu lebih baik bagi kamu jika benar-benar kamu tahu.”

(Q-S: 9;A:41)

Jihad atau perjuangan itu terbahagi kepada dua bahagian

1. Jihad jismani      2. Jihad rohani.

**Jihad Jismani:** ialah perjuangan dengan menguna anggota zahir; seperti menentang musuh dengan anggota dan bersenjata; menyerah harta dan dirinya untuk diguna berjuang bagi mencapaikan cita-cita yang dikehendaki dan lain-lain seumpamanya.

**Jihad Rohani:** ialah perasaan batin, perasaan hati yang sentiasa mendesak supaya seseorang itu berjuang untuk menegak keadilan dan kebenaran, menurut perintah yang diredhai oleh Allah Subhanahu Wataala; umpamanya menahan diri dari sifat tamak haloba, melawan perasaan hasad-dengki yang kerap mengharu jiwa manusia atau berdaya upaya menghindarkan dirinya daripada melakukan pekerjaan yang dilarang oleh agama Allah.

Perjuangan rohani adalah lebih hebat dan payah dilaksanakan oleh seseorang.

Perasaan jiwa atau rohanilah yang mendorongkan seseorang berjuang dengan badan kasar, dengan jismaninya.

Perjuangan badan kasar akan tewas dan keciwa jika tidak disertai oleh perjuangan rohani. Oleh yang demikian Junjongan kita telah mensifatkan perjuangan rohani atau perjuangan perasaan jiwa itu perjuangan yang besar dan berat dan hendaklah ianya diperjuangkan dengan hati-hati; sebagaimana Sabda Rasulullah (s.a.w.) apabila beliau dan sahabat-sahabatnya kembali dari peperangan yang mereka

menangi.

Sabda beliau:

رَجَعْتُ مِنَ الْجِهَادِ الْأَصْغَرِ  
إِلَى الْجِهَادِ الْأَكْبَرِ  
وَهُوَ بَارِزٌ فِي النَّفْسِ

**Artinya:**

"Aku telah kembali daripada perjuangan yang kecil (iaitu perjuangan yang mengkorbankan jiwa dimedan peperangan) dan sekarang menghadapi pula perjuangan besar, iaitu perjuangan melawan hawa nafsu."

Hadis ini bermaksud: sungguhpun tentera Islam telah berjaya menewas musuh dimedan peperangan, tetapi Junjungan kita, Nabi Muhammad (s.a.w.) mesti berjuang sekali lagi menentang perasaan setengah daripada sahabat-sahabat beliau yang berperasaan tamak-haloba dengan harta benda rampasan yang diperoleh mereka dalam peperangan itu. Sahabat-sahabat sendiri mesti berjuang menekan perasaan tamak haloba, hasad dan dengki dihati mereka tatkala melihat harta rampasan. Musuh yang zahir dipenglihatkan kita dapat dilawan bertanding tenaga; tetapi musuh yang berada dilubuk hati, disemangat dan jiwa diri seseorang, jika dicuai-cuai melawannya maka kekalahan dan kekeciwaanlah yang pasti kita dapati.

Allah s.w.t. telah mengizinkan kaum Muslimin berjuang mempertahankan diri daripada ganguan dan ancaman musuh-musuh yang disekeliling mereka supaya aman dan terselamatlah mereka daripada kezaliman dan penganiayaan musuh dan seterusnya.

Perjuangan dan jihad yang dibenarkan orang-orang Islam memperjuangkannya tidaklah melebihi daripada ancaman yang dilakukan oleh musuh mereka. Mereka tidak akan menyerang musuh mereka, jika mereka tidak diserang atau dianiaya. Keterangan ini telah nyata dengan adanya perjuangan Junjungan kita terhadap musyrikin Kurish di Makkah. Pada mulanya beliau tidak memerangi kebanyakannya dari suku atau kabilah bangsa Arab kerana mereka tidak masuk campur dalam perjuangan kaum Muslimin dengan Arab Musyrikin Kurish; akan tetapi apabila kebanyakannya dari suku atau kabilah bangsa Arab yang lain menyelahi kaum Kurish dan campurtangan dalam perkara kaum Muslimin dan kaum Kafir Kurish, maka Allah memerintahkan kaum Muslimin memerangi sekalian kaum Musyrikin Arab. Seperti yang dijelas oleh firman Allah yang berbunyi:

وَقَاتِلُوا الْمُشْرِكِينَ كُلَّا مَا  
يَعْتَذِرُونَ كُلَّا فَتَهْمِيمٌ . وَاعْلَمُوا أَنَّ اللَّهَ  
مِنَ الْمُتَقِيْنَ " . (التوبه : ٣٦)

### Maksudnya:

"Perangilah oleh kamu sekalian Musyrikin Arab itu sebagaimana mereka memerangi kamu. Dan ketahuilah bahwasanya Allah berserta mereka yang bersifat takwa."

(Q-S:9;A:36)

Ringkasnya, setiap detik hayat kita hidup menyedut udara adalah berjuang/berjihad. Dari itu tidak ada siapa pun dapat melepas dirinya daripada perjuangan. Bayi yang baru lahir, juga mesti berjuang agar dia cepat besar dan menjadi dewasa. Orang sakit berjuang dengan berusaha sungguh-sungguh supaya dia dapat cepat sembuh, begitulah juga tentera berjuang dimedan perang, menyabong nyawanya dihujung senapang, meriam dan senjata-senjata permusuhan yang lain-lain yang dihalau oleh musuh kearah mereka. Begitu jugalah penuntut-penuntut tidak ketinggalan berjuang siang dan malam dengan kalam dan dakwat, kertas dan buku, memeras fikiran dan mencurah tenaga kerana bercita-cita hendak menjadi seorang yang terpelajar, intelek yang berfaedah dan boleh mencerah derma baktinya kepada bangsa, agama, tanahair dan masyarakat manusia umumnya.

Oleh kerana masaalah jihad atau perjuangan ini sangat dikehendaki dan menjadi salah satu daripada asas kemajuan dan keselamatan, maka dalam menyeru pemeluk-pemeluknya supaya berjuang dan berjihad dijalur yang diridhai Allah dengan harta-benda dan jiwa-raga mereka maka Islam merujuk

mereka kepada firman Allah:

(Q-S:9;A:41)

وَجَاهُدُوا بِمَا مُؤْمِنُوكُمْ  
فِي سَبِيلِ اللَّهِ :

• (التوبه : ٤١) .

**Maksudnya:**

"Dan berjihad (berjuang)lah dengan harta benda dan jiwa raga kamu dijalal Allah."

Berjihad dan berjuang itu bukanlah tertentu dengan memerangi musuh. Perjuangan dan jihad yang digalakkan oleh Islam ialah perjuangan dan jihad pada segenap lapangan yang hasilnya boleh mendatangkan keamanan, kemajuan dan kebahagian kepada kehidupan manusia, dengan kata lain, perjuangan dan jihad yang diamal dengan berteraskan ketakwaan kepada Allah Subhanahu Wataala.

الْجَهَادُ سِبِيلُنَا وَالْمَوْتُ فِي سِبِيلِ اللَّهِ أَمَانَنَا .

Perjuangan adalah jalan (method) kami, dan syahid di jalan Allah citra idaman kami.

(Semboyan perjuangan)



**RUANG MUSLIMAH****ARWA BINTI  
ABDUL MUTALIB**

Di antara wanita-wanita yang mula-mula sekali menganut Islam dan muhajirat-muhajirat yang mulia ialah saudara perempuan Abdullah dan Abi Talib, ibu saudara Rasulullah s.a.w. dari sebelah bapa.

Gemparlah Kota Mekkah dengan peristiwa Muhammad s.a.w. membawa Islam. Ramai yang menentangnya, kecuali mereka yang di beri pertunjuk oleh Allah. Ada golongan penyokong dan ada pula yang membangkang. Di antara mereka yang menyokong terdapat mereka-mereka yang belum menganut Islam, termasuklah Arwa, ibu saudara Rasulullah s.a.w. dari sebelah bapanya. Walaupun Arwa pada ketika itu belum memeluk Islam tetapi dia lah yang banyak memberi pertolongan dan bantuan terhadap Rasulullah s.a.w. dan mengasihannya.

Ketika Dakwah Islamiah mula dilancarkan di rumah Al-Arqam bin Al-Arqam, Kulaib bin Umair mengishtihar kan keislamannya, dan mengkhabarkan tentang kesilamannya kepada ibunya serta menyeru ibunya supaya menyam-

but Islam sebagai agamanya. Lalu dia jawab oleh ibunya: "Sesungguhnya orang yang berhak menerima pertolongan dan sokonganku ialah sepupu engkau itu. Wallahi, kalau saya berdaya melakukan apa yang dilakukan mereka, nescaya saya akan mengikutnya dan membantunya." Ini adalah satu pendirian yang tegas, walaupun dia dilahirkan dikalangan kaum jahiliah yang memusuhi Rasulullah, tetapi Arwa tetap menyokong anak saudaranya kerana kebenarannya, kemudian menggalakkan Abu Lahab supaya menyokong dan membenarkan apa yang dibawa oleh Rasulullah.

Kulaib datang sekali lagi menyeru ibunya memeluk Islam, tetapi ibunya ragu-ragu dan belum berani meninggalkan kepercayaan jahiliahnya. Ia takut dengan perkara yang baru. Lantaran itu ibunya berkata: "Aku lihat dulu apa yang saudara-saudara buat, kemudian aku akan mengikut mereka." Jawab anaknya: "Saya membawa ibu kepada Allah ... saya telah mendatangi

Muhammad, mengucapkan salam kepadanya, mempercayainya, seterusnya mengucap dua kalimah syahadat.”

Ibunya pun pergi menemui Rasulullah s.a.w., mendengar apa yang disampaikannya dan berbual-bual dengannya dan terus memeluk Islam sebagai agamanya. Dengan itu Arwa binti Abdul Mutalib termasuk dalam golongan wanita-wanita yang mula-mula sekali memeluk Islam. Ia tunjukkan kesetiaannya dan ia berikan kepada Rasulullah s.a.w. Ia berpuas hati dan rela menerima segala ajaran dan pertunjuk daripada Rasulullah s.a.w., serta menunaikan kewajipan. Arwa terus menyokong Rasulullah, bukan kerana beliau anak saudaranya, tetapi kerana baginda adalah Nabi, Nabi kepada umat ini, pendamai dan penyelamatnya.

Mulalah ia menggalakkan anaknya supaya menegakkan Islam dan berjuang menolong Muhammad s.a.w.

Dalam perjuangannya ini Kulaib bin Umair menerima azab penganiayaan yang tidak terhingga dari Abu Jahal dan bapa saudaranya Abu Lahab. Tetapi Kulaib tetap bersabar dan bersabar, sehingga ia menemui kemenangan yang cemerlang.

Dengan kemenangan yang besar ini Arwa telah mencatat sejarah yang cemerlang, sehingga terdapat banyak di antara buku-buku sejarah yang mengandungi cerita-cerita berkenaan.

Alih Bahasa: (Ustazah Rohani Awi)  
Petikan dari (Majallah Akhbar Al-Alam Al-Islami)


عَنْ أَبْنَى مُسْعُودٍ رَضِيَ اللَّهُ عَنْهُ قَالَ قَلْتَ: يَا رَسُولَ اللَّهِ،  
أَيُّ عَمَلٍ أَحَبُّ إِلَيْكُمْ؟ قَالَ: الصَّلَاةُ طَهُ وَقَدْرُهَا.  
قَلْتَ: ثَمَّا يَ؟ قَالَ: بِرُّ الْوَالِدِينَ. قَلْتَ: ثَمَّا يَ؟ قَالَ:  
الْجِهَادُ فِي سَبِيلِ اللَّهِ. (متفق عليه) .

Maksudnya:

Ibnu Masud r.a. bertanya kepada Rasulullah s.a.w.: “Amal apakah yang lebih di sukai oleh Allah ta’ala? Jawab Rasulullah s.a.w.: “mengerjakan salat pada waktunya”, kemudian dia tanya lagi: “selain dari itu apa lagi, ya, Rasulullah?” Jawab Rasulullah s.a.w.: “Berbuat baik terhadap orang tua (ibu bapa), selanjutnya dia tanya lagi: “Ya, Rasulullah, sesudah itu apa lagi?” Rasulullah s.a.w. menjawab: “Berjihad di jalan Allah”. (Hadis di riwayatkan oleh para Ahli hadist dengan muttafak alaih, dari Ibnu Masud).

*Alat moden seperti berkereta memudahkan lagi pergi ke Masjid.*

**Ruang Muslimah**



**SAMBUNGAN AL-HUDA NO: 13**

**DUNIA AKHIRAT  
SAMA PENTING**

Sedang golongan yang satu lagi ialah mereka-mereka yang cuba mengasingkan diri dari dunia, mengenepekan alat-alat ciptaan manusia melalui pengetahuan moden. Mungkin di antara mereka menganggap alat-alat itu hanya melalaikan manusia dari mengingati Allah, dan memandangnya sebagai bida'ah kerana alat-alat serupa itu tidak terdapat di zaman Rasulullah s.a.w. Pada hal Nabi sendiri pernah bersabda:

أنتم أعلم بأمور دنياكم

وَإِذْ أَمْرَتُكُمْ بِشَيْءٍ مِّنْ  
مِّنْكُمْ فَخُذُواهُ .

**Yang artinya:**

“Kamu lebih tahu tentang urusan dunia kamu. Dan apabila kamu diperintahkan mengenai agama kamu, maka itulah yang mesti kamu ambil”.

Dari intisari Hadith tersebut kita dapati bahawa pandangan Rasulullah s.a.w. terhadap kemajuan di masa hadapan sangat meluas. Dan beliau juga memberi kelapangan dan menyerahkan urusan dunia ini kepada

umatnya yang di belakangnya, kerana baginda yakin bahawa manusia semakin lama semakin bertambah maju. Mereka akan senantiasa bergerak mencari dan mencari sesuatu yang belum mereka ketahui. Hanya yang di larang dan di sekat oleh Allah dan Rasulnya ialah dalam masalah-masalah ibadat keagamaan, soal halal dan haram dan yang seumpamanya.

Ceteklah pemikiran mereka-mereka yang menolak alat-alat ciptaan moden. Kerana kebanyakan daripada hasil-hasil ciptaan moden dapat memudahkan manusia mengerjakan ibadat-ibadatnya kepada Allah s.w.t. Umpamanya seseorang yang hendak mengerjakan ibadat Hajji, kalau hanya menggunakan kenderaan unta atau kuda atau kapalayar tentulah hanya segelintir sahaja jumlah orang-orang yang sanggup menunaikan ibadat hajinya. Begitu juga betapa singkatnya masa bagi seseorang yang hendak menunaikan sembahyang di Masjid yang memudahkan perjalannya ke situ. Dan kita juga harus sedar betapa susahnya hubungan seseorang dengan lainnya dan penyampaian sesuatu kepada umum samada yang berupa berita, pendidikan, pelajaran dan sebagainya seandainya alat-alat yang berupa talipon, radio, dan T.V. dimusnahkan, sedangkan alat-alat itu semua telah memberikan sumbangan yang besar dan banyak kepada kita sehari-hari.

Cuma yang harus kita awasi ialah jangan sampai kita menjadi hamba

kepada alat-alat tersebut, sebaliknya alat-alat itulah yang semestinya menjadi hamba kepada kita. Umpamanya kereta boleh kita gunakan untuk pergi ke masjid, T.V. dan radio boleh dijadikan alat untuk menerima pendidikan dan pengetahuan juga menyaksikan pandangan-pandangan yang belum pernah kita lihat, begitu juga talipon boleh digunakan untuk menyambung silaturrahim di antara sesama kita. Dan sebaliknya alat-alat ini juga boleh memberikan contoh-contoh yang tidak baik seperti mengkhayalkan fikiran dan merosakan akhlak bagi orang-orang yang menontonnya. Tetapi, sebagaimana yang telah di katakan sebelum ini, bahawa kegunaannya dan kendalinya ada di tangan kita, maka terpulanglah kepada kita menggunakananya bagi perkara-perkara yang berfaedah atau yang tidak berfaedah. Dan dengan menggunakan akal fikiran yang di kawal oleh keimanan, kita akan selalu mengikuti perkembangan kemajuan, tanpa hanyut di bawa arus kelalaian dan khayalan yang membawa kita jauh dari keredhaan Allah s.w.t. Agama Islam bukanlah agama yang jumud atau mati, yang akan membiarkan umatnya semakin hari semakin mundur dan beku.

WALLAHUA'LAM.

Oleh:

Ustazah Rohani Awi.

## **WANITA ISLAM KEHILANGAN PANDUAN**

Dalam banyak kenyataan, wanita Islam sekarang ini telah di hadapkan pada suatu masalah yang cukup mencemaskan. Hal ini sedikit banyaknya dapat kita semak dari

persepsi mereka terhadap ajaran Islam yang tidak lagi tepat dan sistematis.

Ataupun nilai moral yang mereka miliki selama ini, secara beransur-ansur mulai kelihatan memudar. Bahkan tidak



*Pergaulan bebas antara lelaki dan wanita akibatnya terjadi perbuatan maksiat yang melanggar tata kesopanan dan hukum Agama.*

hanya setakat itu, ajaran-ajaran agama dan ikatan tradisi yang pada mulanya telah menguasai fikiran dan jiwa mereka dalam setiap aspek kehidupan, secara terang-terangan mereka tinggalkan, bahkan ada setengah-setengah yang membencinya.

Sebagai contohnya, lihat sahaja kepada pola kehidupan mereka sehari-hari, sama ada dalam tata cara bergaul mereka, tatacara berpakaian atau dalam tatacara kehidupan lainnya, yang sering menjurus kepada matlamat kebebasan sebagaimana yang disponsori oleh rakan-rakannya dari barat sana.

Di pihak lain juga tidak dapat dihindari bahawa dengan hadirnya wanita-wanita Islam ke dalam semua lapangan kerja seperti sekarang ini, telah pula membentuk satu pola kehidupan masyarakat yang cukup merisaukan. Ini dapat dibuktikan pada beberapa lapangan kerja yang terdapat kaum wanita. Disana terbuka peluang melakukan pergaulan bebas antara laki-laki dan wanita. Akibatnya, tidak jarang terjadi perbuatan-perbuatan maksiat yang melanggar tata kesopanan dan hukum Agama.

Dengan ini bukanlah kita bermaksud untuk menolak kaum wanita (Islam) mendapatkan lapangan kerja bagi tambahan wang bekalan rumah tangga. Tetapi jika terjadi hal-hal yang melampaui batasan ajaran agama dan etika, siapakah yang bertanggungjawab?

Perlu pembinaan spiritual

Salah satu jawapan yang mungkin tepat untuk menjawab pertanyaan diatas adalah, diri kita sendiri selaku muslimah, perlu bersungguh-sungguh dan penuh tanggungjawab mangisi jiwa dan fikiran kita dengan ajaran-ajaran agama. Sebab, memupuk kesedaran akan harga diri atas dasar IMAN yang kukuh, adalah merupakan benteng pertahanan yang kuat terhadap cabaran dan rayuan yang membawa kita kelembah kehinaan itu. Kesedaran yang bersifat materialis dan duniawi semata adalah sangat rapuh untuk dijadikan benteng pertahanan diri.

Maka adalah menjadi kewajipan kita selaku individu-individu muslimah mempelajari dan mendalamai konsep-konsep agama sebagai jalan keselamatan dan kesejahteraan umat, jalan menempuh berbagai lapangan kehidupan. Di samping itu kita juga mesti mengukur sejauh mana pendalamam ajaran agama dalam diri kita, atau sampai di mana kita mampu membela diri di tengah-tengah desakan tamadun barat yang dahsyat seperti ini.

Adapun sikap yang paling baik untuk kita tempuh dalam berhadapan dengan kenyataan ini adalah dengan memantapkan diri kita untuk hidup pada satu prinsip yang berasaskan kitabullah dan sunnah Rasul, semoga kita selamat. INSYAALLAH.

Dipetik dari:

(MAJALLAH AL-ISLAM)

((Oleh: Salmah Ali)

# SIFAT MUKMIN

Oleh: (USTAZ SAID MUHAMAD ALWI)

انهال المؤمنون الذي بين اذ اذ كر الله  
وجلست قلبه يوم روان التلبيت عليهم  
ایته زادتهم اييمانا على  
وسم يتوكلون . الذي بين يقينون  
الملوقة وممسارز قسم ينفقون  
اولئك هم المؤمنون  
حق عليهم درجت عند ربهم  
ومغفرة ورزق كرييم .  
(الإنفال: ٤٠-٤١)

### Maksudnya:

"Sebenarnya orang-orang yang Mukmin itu ialah mereka yang ketika disebut nama Tuhan, hatinya penuh ketakutan, dan apabila dibacakan kepadanya ayat-ayat Tuhan, maka bertambah keimannya. Dan mereka tawakkal kepada Tuhan mereka. Mereka tetap menegakkan sembahyang dan menafkahkan sebahagian dari rezeki yang Kami berikan kepada mereka. Itulah orang-orang yang sebenarnya beriman. Mereka memperoleh beberapa darjat (kehormatan), am-



*Mukmin yang sejati melaksanakan perintah Ilahi diajuhinya segala larangan-Nya dan beriman kepada Tuhan dengan hati dan perasaannya.*

punan dan rezeki yang berharga di sisi Tuhan.

(An-Anfal: 2-4)

Didalam salah sebuah hadis yang diriwayatkan oleh Muslim dari Abu Hurairah, Rasulullah menerangkan, bahawa orang-orang yang Mukmin itu ada DUA macam.

Pertama: Mukmin yang kuat, yang teguh. Ertinya, Mukmin sejati.

Kedua: Mukmin yang dha'if yang lemah, yang rapuh.

Adapun Mukmin yang dha'if atau lemah itu ialah sekadar percaya (beriman) kepada Tuhan. Hatinya mempercayai dan membenarkan ada Tuhan, diakuinya dengan LISANNYA, dengan mengucapkan kalimah syahadat. Tetapi di dalam tata kehidupan dan perlakunya, tidak diterap dan diamalkannya sifat orang yang mukmin itu. Kegiatannya kurang dalam beramal dan beribadat.

Adapun Mukmin yang kuat atau sejati itu, bukan saja beriman kepada Tuhan dengan hati dan ucapannya, tetapi dilaksanakannya perintah-perintah Ilahi dan dijauhinya segala larangan-Nya, yang kelihatan nyata didalam kehidupan sehari-hari.

Didalam surat Al-Anfal, yang dikutip diatas, Tuhan menjelaskan sifat-sifat orang yang Mukmin itu. Ciri-cirinya terdiri dari lima hal, iaitu:

1. Senantiasa ingat kepada Allah (zikrullah) Dalam ayat tersebut dijelaskan, bahawa hati orang-orang yang Mukmin diliputi oleh perasaan

takut apabila mereka mendengar sebutan nama Allah. Perasaan takut mencegah mereka dari melakukan sesuatu perbuatan yang jahat dan mendorong mereka untuk melaksanakan perbuatan-perbuatan yang disuruh oleh Illahi.

Orang-orang yang senantiasa membiasakan Zikrullah, mengingat Allah, maka di dalam segala langkah dan tindakannya senantiasa dikawal oleh perasaan, pertimbangan dan fikirannya. Dia menyedari sepenuhnya, bahwa Tuhan melihat dan juga memperhatikan perbuatan-perbuatan yang dilakukannya, yang baik maupun yang buruk, yang dilakukan di tempat-tempat yang sunyi maupun di tempat yang ramai. Semua itu tidak terlepas dari penglihatan Tuhan.

Sebagai diketahui, salah satu musuh manusia yang paling jahat, kejam dan gigih, ialah syaitan. Setiap detik dan saat, syaitan itu berusaha untuk merayu dan memperdayakan. disamping berusaha untuk menjerumuskan manusia kejurang kejahatan. Satu-satunya alat pertahanan yang sangat berkesan ialah Zikrullah, mengingat Allah. Hal ini ditegaskan oleh Tuhan di dalam Al-Quran.

وَمَنْ يَعْمَلْ مِنْ ذَكْرِ الرَّحْمَنِ نَقِيرُهُ  
لَهُ شَيْطَانٌ فِي وَلَهُ قَرِيبٌ ۖ وَإِنَّمَا  
لَيَعْمَلُ دُونَهُمْ عَنِ السَّبِيلِ  
وَيَعْمَلُونَ أَنْجَسٌ مُهْتَدٌ وَنَّ

### Maksudnya:

"Barangsiapa yang berpaling dari mengingati (Tuhan) Yang Maha Pemurah, maka akan kami tambatkan baginya syaitan, dan (syaitan) itulah yang menjadi teman yang tidak berpisah dengan dia. (Syaitan) itu menyimpangkan mereka (manusia) dari jalan yang benar, sedangkan mereka itu menyangka bahawa mereka berada di pihak yang mendapat pertunjuk (pimpinan)."

(Az-Zukhruf: 36-37)

Menurut keterangan sebahagian Ahli Tafsir, yang dimaksud dengan syaitan yang betul-betul, yang selalu memujuk-rayu manusia ke jalan yang sesat, dan boleh jadi juga fikiran-fikiran yang jahat, iktikad yang salah dan lain-lain sebagainya, yang terus bersarang didalam hati manusia dan tidak lepas lepas daripadanya laksana teman yang akrab.

Kedudukan dan keadaan ummat manusia di dalam penghidupan ini, sebahagian besar ditentukan sikap jiwanya, oleh hatinya. Apabila hatinya suci bersih, maka akan kelihatan pengaruhnya yang baik dalam segala tindak-perbuatannya. Sebaliknya, jika hatinya kotor, maka hal itu akan memancar pula dalam sikap-sikap lahiriahnya, dalam perbuatan dan pekerjaannya. Tidak ubahnya seperti sumber mata air. Dari sumber mata air yang jernih akan keluar air yang ber-

sih, sedang dari sumber mata air yang kotor, air yang kotor pulalah yang akan memancar.

Orang-orang yang beriman, yang selalu ingat kepada Tuhan, tidak akan kehilangan keseimbangan dalam menghadapi kehidupan dan perjuangan. Ia tidak mudah diumbang-ambingkan oleh faktor-faktor yang terletak diluar dirinya, sebab dia ada mempunyai pegangan. Diwaktu menghadapi kesusahan, musibah, bencana dan sebagainya, dia tidak akan gugup dan bimbang. Hatinya tetap, pendiriannya kuat, jiwanya tenang. Inilah yang dilukiskan oleh Tuhan di dalam Al-Quran:

الَّذِينَ آمَنُوا وَتَطْمَئِنُ قُلُوبُهُمْ  
بِذَكْرِ اللَّهِ إِلَّا بِذَكْرِ اللَّهِ تَطْمَئِنُ  
الْقُلُوبُ • (آلِ الرَّحْمَنِ: ٢٨)

### Maksudnya:

"Orang-orang yang beriman itu, hati mereka menjadi tenteram kerana mengingat Tuhan. Ingatlah bahawa dengan mengingat Tuhan itu, hati menjadi tenteram, mutmainnah."

(Ar-Ra'd: 28)

Apabila manusia selalu ingat kepada Tuhan, tidak melupakan Nya diwaktu senang dan susah, di waktu mendapat nikmat atau ditimpa bencana dan lain-lain sebagainya, maka Tuhan pun senantiasa memberikan bimbingan dan perlindungan. Oleh sebab itulah, Tuhan memerintahkan di dalam Al-Quran:

فَإِذْ كَرُونَيْ إِذْ كَرْكِمْ .  
الْبَقْرَةَ : ١٥٧ )

### Maksudnya:

"Ingatlah (selalu) kepadaKu, supaya Aku ingat pula kepadamu." (Al-Baqarah: 152)

Ciri yang pertama dari sifat seorang Mukmin ialah senantiasa ingat kepada Allah, dengan membanyakkan Zikrullah, senantiasa ingat kepada Nya.

2. Bertambah imannya apabila mendengar ayat-ayat Ilahi. Ciri kedua orang yang Mukmin ialah, bahawa imannya semakin bertambah apabila mendengar ayat Tuhan.

Ayat-ayat mengandung hikmat dan filsafat yang tinggi, membawa berita-berita yang menggembirakan (basyirah), pelajaran-pelajaran yang benar dan berkesan, memberikan semangat pengharapan (optimisme) dan lain-lain. Kalam Ilahi dapat mengetuk hulu-hati manusia, menggetarkan jiwa, melembut dan menundukkan pula hati manusia yang kesat, menenteramkan jiwa dan fikiran dan lain-lain sebagainya. Pengaruh ayat-ayat suci ke dalam jiwa manusia, terutama bagi orang-orang yang dapat memahamkan bahasa dan maknanya, tidak ubahnya seperti seorang yang persaaannya dipengaruhi oleh simfoni, terasa irama dan getarannya memasuki seluruh badan, membuatnya senang dan gembira.

Banyak contoh dalam sejarah bagaimana orang yang kesat hatinya

dapat diundukkan kerana mendengar ayat-ayat Ilahi. Salah sebuah diantaranya ialah peristiwa yang mengenai diri Umar bin Khattab.

### 3. Tawakkal

Adapun erti tawakkal itu menurut ilmu bahasa ialah menyerahkan diri secara mutlak kepada Ilahi sebagai sikap terakhir dalam menghadapi sesuatu hal atau usaha.

Masih ramai orang yang salah memahamkan erti tawakkal itu. Dalam setiap pekerjaan dia menyerah begitu saja tanpa berusaha terlebih dahulu. Umpamanya, seorang menderita sakit yang berlarut-larutan. Dia tidak berusaha lagi menghabiskan semua ikhtiarannya untuk mencari ubat. Tetapi dia terus menyerah begitu saja. "Kalau nasib baik, tentu akan sembuh juga. Kalau tidak, apa boleh buat".

Dalam keadaan, usaha, pekerjaan, perjuangan dan lain-lain, tingkat pertama yang mesti dilaksanakan ialah berusaha. Dalam penghidupan umumnya, manusia tidak boleh berpeluk tubuh begitu saja, tidak berikhtiar mengusahakan mata pencarian, dengan alasan bahawa rezeki manusia sudah ditentukan oleh Tuhan.

Apabila segala usaha dan ikhtiar telah dijalankan dengan diiringi doa kepada Allah, dan kemudian menyerah diri kepada Allah, maka itulah yang dinamakan tawakkal yang sejati. Tawakkal yang demikianlah yang telah dilukiskan dalam sebuah hadis.

لَوْا نَسْكِمْ تَقْتُوكَلُونْ عَلَى اللَّهِ حَقْ

٦٦٦٦٦٦٦٦٦٦٦٦٦٦٦٦  
توکلہ لرزقکم کما یرزق الطیبین فیثد و  
خیماً و تروج بطناناً  
(رواہ الترمذی)

### Maksudnya:

"Jikalau kamu bertawakkal kepada Allah secara sungguh-sungguh Tuhan akan memberikan rezeki kepada kamu sebagaimana ia memberikan rezeki kepada burung-burung, yang keluar di waktu pagi dengan perut lapar, dan pulang diwaktu petang dengan perut kenyang"

(Riwayat Tirmizi)

Seorang pejuang umpamanya, tidaklah boleh menunggu begitu saja kezaliman itu hancur sendiri, dengan alasan, bahawa Tuhan akan memenangkan yang hak atas yang batil. Semua itu mesti disuaha dan diperjuangkan lebih dahulu.

Apabila segala ikhtiar sudah dilakukan, barulah berserah diri (tawakkal) kepada Allah. Adapun tawakkal tanpa ikhtiar dan perjuangan bukanlah bernama berserah diri, tetapi menyerah. Dalam istilah peperangan disebutkan kapitulasi. Kapitulasi adalah satu kehinaan.

وَشَدِّدْنَا عَلَيْكُمْ فِي الْأَصْرِ فَإِذَا عَزَّزْتُمْ  
فَتَوَكَّلْنَا عَلَى اللَّهِ  
(آل عمران: ١٤٩)

### Maksudnya:

"Bermesyuaratlah dalam segala pekerjaan, dan bila engkau telah mempunyai keputusan yang tetap (berikhtiar), maka tawakkallah kepada Allah."

(Ali Imran: 159)

Didalam sebuah hadis yang diriwayatkan oleh Turmuzi ada diceritakan, bahawa pada suatu hari seorang laki-laki datang ke Masjid di Madinah dengan menunggang seekor unta. Dia melepaskan begitu saja unta itu di hadapan masjid, kerana ia percaya bahawa unta itu tidak akan lari, apalagi dia sendiri akan melakukan sesuatu perbuatan ibadah. Rasulullah yang melihat kejadian itu, lantas menegur laki-laki itu: "Tambatkanlah lebih dahulu untamu itu, baru engkau tawakkal."

Didalam setiap perjuangan, sifat tawakkal itu merupakan senjata yang ampuh, yang akan menentukan kemenangan. Tawakkal itu menjadi lansiran dan menjawai perjuangan Rasul-Rasul dan penegak-penegak kebenaran dan keadilan.

Dengan sikap tawakkal itulah Rasul-Rasul menghadapi semua rintangan, kesulitan, cabaran dan lain-lain, seperti yang dijelaskan didalam Al-Quran:

وَمَا لَنَا إِذَا نَتَوَكَّلْنَا إِلَيَّ اللَّهِ  
وَقَدْ هَدَى أَنَاسَ بْنَ النَّبِيِّ عَلَى  
مَا ذَرَّ يَتَمَّونَا وَعَلَى اللَّهِ فَلَيَتَوَكَّلْنَا

الْمُتَوَكِّلُونَ • (ابراهيم: ١٢).

### Maksudnya:

"Mengapa kami (kata Rasul-Rasul) tidak tawakkal kepada Allah, sedang Dia telah menunjukkan jalan kepada kami? Dan sesungguhnya kami akan berteguh hati terhadap kesakitan-kesakitan yang kamu timpan. Orang-orang yang tawakkal hanyalah menyerahkan diri kepada Allah semata-mata.

(Ibrahim: 12)

Dengan sikap tawakkal itulah nabi Ibrahim menghadapi siksaan Namrud, ketika beliau dilemparkan ke dalam api yang bernyala-nyala, yang membuat pengikut-pengikut Namrud bertepuk tangan, gembira. Sebab mereka yakin bahawa Nabi Ibrahim akan terbakar hangus. Pada saat yang amat genting itu, Nabi Ibrahim menyerahkan diri kepada Allah, setelah segala usahanya untuk melepaskan dirinya tidak berhasil. Akhirnya Tuhan memberikan pertolongan yang merupakan permulaan kemenangan perjuangan Nabi Ibrahim, sehingga api yang panas menjilat-jilat itu terasa oleh beliau dingin dan sejuk, dan tidak memberikan bekas sedikit juga pada badannya.

Waktu terjadi perperangan Badar, kekuatan pasukan Quraisy tiga kali lipat lebih ramai daripada kaum Muslimin, dan dengan persenjataannya yang jauh lebih lengkap. Tetapi, akhirnya pasukan kaum Muslimin telah berhasil merebut

kemenangan. Ini ialah kerana sikap tawakkal kepada Allah. Demikian juga kegagalan pasukan Quraisy dalam perperangan Ahzab yang mempunyai kekuatan lebih daripada sepuluh ribu orang, dihadapi oleh Pakuan Muhammad yang hanya sedikit bilangannya.

Setelah menjalankan segala ikhtiar untuk mempersiapkan pertahanan, pasukan Islam menyerahkan diri (tawakkal) kepada Allah. Pada tingkat terakhir Tuhan memberikan pertolongannya dengan mendatangkan hujan batu dan badai yang keras, sehingga pasukan Quraisy akhirnya mundur kucar-kacir.

Kerana sifat tawakkal itu merupakan sebuah perisai dalam penghidupan dan perjuangan, maka Rasulullah senantiasa mengajurkan kepada umatnya supaya menjadikan sifat tawakkal itu sebagai syi'ar dalam kehidupan sehari-hari, diwaktu pagi dan petang, ketika akan tidur di waktu malam, tatkala keluar dari rumah dan lain-lain. Sebab berserah diri kepada Allah itu menanamkan semangat keteguhan hati, ketentangan, keberanian dan lain-lain sebagainya.

Menurut sebuah hadis dari Ummu Salamah, salah seorang isteri Rasulullah, apabila Nabi Muhammad keluar dari rumah selalu beliau ucapkan.

بِسْمِ اللَّهِ تَوَكَّلْتُ عَلَى اللَّهِ

اللَّهُمَّ إِنِّي أَعُوذُ بِكَ أَنْ أَفْلَى

او افْسَلْ او ازْلَ او ازْلَ او اظْلَمْ او اظْلَمْ

او ابْهَسْ او بِهَسْ عَلَيْ

(رواه ابو داود والترمذی)

### **Ertinya:**

“Dengan nama Allah. Aku berserah diri kepada Allah. Ya Tuhan! Aku berlindung kepada Engkau dari perbuatan menyesatkan atau disesatkan orang, perbuatan menjerumuskan atau dijerumuskan orang, perbuatan menzalim atau dizalimi, perbuatan membodohkan dibodohkan orang lain.”

(Riwayat Abu Daud dan Tirmizi)

Ucapan Rasulullah itu sangat baik kita amalkan dalam kehidupan sehari-hari.

#### 4. Mengerjakan Sembahyang.

Ciri yang keempat tentang sifat orang yang mukmin ialah mengerjakan sembahyang.

Adapun sembahyang itu mengandung dua aspek, Pertama, aspek hubungan manusia dengan Tuhan, Kedua, aspek hubungan manusia dengan dirinya sendiri dan dengan manusia yang lain.

Sembahyang itu adalah media perhubungan yang berkesan. Diantara ibadah-ibadah yang dipikulkan, yang dirasakan oleh sebahagian orang agak berat melaksanakannya ialah sembahyang itu. Sebab, katanya, dikerjakan lima kali dalam sehari semalam, Walaupun, sebenarnya, masa yang dipergunakan untuk waktu-waktu sem-

bahyang tersebut tidak lebih daripada sepuluh minit. Jadi dalam sehari semalam hanya lima kali sepuluh minit, iaitu lima puluh minit, atau dibulatkan menjadi satu jam. Hanya satu jam saja dalam kehidupan selama dua puluh empat jam atau empat peratus lebih sedikit. Ibadah-ibadah lainnya yang wajib boleh dikatakan sangat ringan. Puasa hanya diwajibkan sekali setahun, naik haji sekurang-kurangnya sekali seumur hidup, sedangkan zakat hanya bagi orang-orang yang mempunyai kekayaan yang berlebihan dengan batas-batas yang tertentu.

Apabila sembahyang itu dipandang saja sebagai imbalan dari nikmat Tuhan yang dilimpahkan-Nya kepada manusia, walaupun hakikat yang sebenarnya bukan demikian, maka imbalan itu sangat ringan sekali. Tidak ada ukuran dan timbangan yang dapat dipergunakan untuk menilai nikmat yang dikurniakan Ilahi kepada manusia, kerana terlalu banyak.

Pada susunan tubuh manusia sendiri, nikmat itu tidak sedikit. Tuhan mengurniakan mata untuk membezakan antara yang gelap dengan yang terang, antara yang baik dengan yang buruk. Di kurniakan Nya mulut untuk makan dan bercakap, telinga untuk mendengar, hidung untuk menghidu, tangan untuk berusaha, kaki untuk melengkah dan lain-lain sebagainya.

Tidak ada manusia yang bersedia menjual sebelah matanya dengan seribu ringgit. Ini berarti, bahawa mata itu tidak dapat dinilai dengan seribu atau

puluhan ribu ringgit.

Sebagai tanda bersyukur atas nikmat-nikmat yang tidak terhingga itu, manusia hanyalah diminta melaksanakan kewajiban ibadah, antara lain-lain sembahyang itu, yang sangat mudah dan ringan. Tidak ada gelaran yang dapat diberikan kecuali pernyataan terlampau atau keterluan, kalau seorang manusia tidak menunjukkan terima kasih dan syukurnya terhadap nikmat dan pemberian yang diterimanya dari orang lain, dalam hal ini dari Allah Yang Maha Pemurah.

Dilihat dari sudut ini sajapun, sikap manusia yang demikian dinamakan: Tidak tahu membela budi. Belum lagi ditinjau secara mendalam, bahawa dengan mengerjakan sembahyang itu mendatangkan hal yang berfaedah, yang langsung dirasakan oleh manusia yang mengerjakannya sendiri.

Dari aspek hubungan manusia dengan dirinya sendiri dan dengan manusia lainnya, maka sembahyang itu - kecuali merupakan bekalan (simpanan) bagi manusia sendiri untuk hidupnya di akhirat kelak, pun dalam kehidupan di dunia ini, manusia akan memetik hasil dari pengaruh sembahyang itu. Sembahyang mensucikan manusia dari kotoran batiniah (was-was, bimbang dan lain-lain). Sembahyang juga melatih manusia pada titik pemerintahan, konsentrasi, sedang konsentrasi itu merupakan sesuatu yang penting untuk mencapai kejayaan dalam segala lapangan. Sembahyang

membentuk jiwa manusia menjadi tenteram, tenang, khusyuk, rendah hati dan lain-lain akhlak yang baik.

Kalimat Takbir, Allahu Akbar, Allah Maha Besar yang diucapkan pada permulaan sembahyang itu membuhul tekad manusia, bahawa tidak ada kekuasaan dunia yang dapat mempengaruhi jalan penghidupannya. Selain itu lafadz salam, Assalamualaikum, Keselamatan untuk seluruh manusia yang diucapkan sebagai titik-akhir dalam upacara sembahyang merupakan manifestasi dari semangat damai, persaudaraan dan persahabatan antara sesama makhluk Allah, yang menjadi faktor yang penting dalam menciptakan kerukunan, perdamaian yang abadi, kemanusiaan dan lain-lain yang dapat menghilangkan sikap permusuhan, kejahatan, kemungkar, silang sengketa dan lain-lain.

Sembahyang yang sebagai alat untuk mencapai kemenangan dalam segala bidang kehidupan dan perjuangan, sebagai alat untuk menghapus kejahatan dan keonaran, ditegaskan oleh Tuhan di dalam Al-Quran:

قد افلح المؤمنون الذين هم في

صلاتهم خاشون •

(المؤمنون : ٢١ )

ان العادة تنهى عن

الفحش والمنكر •

(العنكبوت : ٤٦ )

### **Maksudnya:**

• "Sesungguhnya menanglah orang-orang yang beriman, iaitu orang-orang yang khusyuk dalam (mengerjakan) sembahyangnya."

(Al-Mukminun: 1-2)

"Sesungguhnya sembahyang itu mencegah kejahatan dan kemungkaran."

(Al-Ankabut: 45)

5. Manafkahkan rezeki yang diberikan Tuhan

TUHAN, memberikan rezeki kepada manusia dalam tiga macam keadaan. Ada yang senang, sekadar cukup, dan ada pula yang kurang.

Adapun yang mendapat rezeki yang kurang, hendaklah dia bersikap sabar, jangan putus asa, dan mesti tetap berusaha dan berikhtiar. Yang mendapat rezeki yang sedang, hendaklah berlaku sederhana, qana'ah, iaitu mencukupkan apa yang ada, sedangkan yang mendapat rezeki banyak, janganlah pula hidup berlebih-lebihan, gemar bermewah-mewahan, membazir dan lain-lain sebagainya. Dan yang teramat penting, mestilah menafakahkan sebahagian dari rezeki yang diperolehnya itu untuk perbuatan-perbuatan amal kebajikan, sosial, menolong orang yang sengsara dan kesempitan, bersedekah dan lain-lain sebagainya.

Kebanyakan sifat manusia, apabila rezeki yang diterimanya kurang, ialah selalu memohonkan kepada Yang Maha Kaya supaya dilimpahkan rezeki yang banyak. Dan

kerapkali pula berjanji pada diri sendiri bahawa ia akan memberikan sebahagian daripada rezekinya yang akan diterimanya untuk amal-amal kebajikan. Tetapi .... setelah permohonannya itu dikabulkan Ilahi, sikapnya tidak ubahnya seperti yang pernah dilukiskan oleh Imam Ghazali: Laksana seorang yang meminum air laut semakin diminum, semakin haus.

Ia lupa pada ikrar dan janjinya sendiri, lalu menjadi bakhil, kedekut, ketam batu. Malah rezeki yang diterimanya itu dipakainya untuk merosak dirinya sendiri dan merosak orang serta masyarakat, dengan berjudi, minum minuman keras, melakukan perbuatan keji, merayu anak-anak gadis, menganggu isteri orang lain dan sebagainya.

Sifat orang-orang yang demikian dilukiskan oleh Tuhan di dalam Al-Quran.

وَمِنْهُمْ مَنْ عَمِدَ اللَّهُ لِئِنْ اتَّنَعَّمْ فَضْلَهُ  
 لِنَصْدِقَ قَنْ وَلَنْكُونَنْ مِنَ الظَّالِمِينَ  
 فَذَّاتُهُمْ مَنْ فَضْلَهُ بَخْلَوَا بِهِ  
 بَقِيَّوْهُمْ مَعْرُضُونَ • فَاعْقِبُهُمْ نَفَاقًا  
 فِي قُلُوبِهِمْ إِلَى يَوْمٍ يَلْتَقِيُنَّهُ بِمَا  
 أَخْلَفُوا اللَّهُ مَأْوَعَدَ وَهُوَ بِمَا كَانُوا  
 سَكَدَ بِسُونَ • (التوبه: ٢٧-٢٥)

### **Maksudnya:**

"Dan sebahagian di antara mereka ada yang telah menjajikan kepada Tuhan: Demi, jika Tuhan kelak

memberikan kurnia-Nya kepada kami, sesungguhnya kami akan bersedekah dan kami termasuk orang yang baik-baik. Tetapi, setelah Tuhan memberikan sebahagian dari KurniaNya kepada mereka, lantas mereka menjadi bakhil (kikir) dan berpaling dan mereka jadi menentang. Hal itu mengakibatkan kepaluan iman di dalam hati mereka sampai di hari mereka bertemu dengan Tuhan, kerana mereka memungkiri apa yang telah mereka janjikan kepada Tuhan dan kerana mereka telah berdusta.”

(At-Taubah: 75-77)

Terhadap manusia, pembalas air susu dengan air tuba itu, bukan saja kelak di akhirat mendapat siksaan dari Ilahi atas perbuatan dosa dan kepaluannya itu, tetapi pada umumnya dalam kehidupan di dunia inipun mereka akan menerima balasan.

Balasan yang merupakan siksaan batin, kehilangan kedamaian dan ketenangan dalam rumah tangga, bercerai berai dengan keluarga, berselisih faham dengan jiran, menjadi kebencian orang ramai, disishkan dalam

pergaulan, malah kadang-kadang pula ditimpa oleh bencana yang ngeri. Pada saat itu barulah timbul penyesalannya, tetapi sudah terlambat. Harta habis akibat judi, mabuk-mabuk dan foya-foya. Dia jatuh melarat dibalut oleh noda dan cacat, yang disebutkan oleh peribahasa setelah jatuh, ditimpa tangga pula.

LIMA SIFAT itulah antara lain tanda-tanda orang yang Mukmin.

Pada akhir ayat tersebut disimpulkan lebih jauh, bahawa orang-orang yang Mukmin itu berhak mendapat tiga kurnia dari Ilahi, iaitu:

1. Darjat ketinggian.

Yang dimaksud disini ialah kemuliaan dan kehormatan.

2. Ampunan.

Maghfirah atau ampunan, meliputi kasih sayang, Santunan dan kerahiman Ilahi.

3. Rezeki yang baik.

Iaitu rezeki yang murah, kenikmatan dan kebahagiaan hidup.

Mudah-mudahan Tuhan masukkan kita semua dalam golongan MUKMIN yang sejati. Amin.!!

”اصْلِحْ نَفْسَكَ وَادْعُ غَيْرَكَ وَلَا انْفَصَالَ بَيْنَهُمَا۔“

Perbaikilah dirimu dan ajaklah orang lain; kedua-duanya bukanlah hal yang terpisah.



*Mungkinkah duduknya mengingat Tuhan?*

## **HIDUP ORANG-ORANG YANG BERIMAN**

---

Disediakan oleh: (ABDUL RAHMAN AHMAT)

---

Kenapa manusia benci terhadap diri mereka dan kehidupannya, sehingga tidak merasakan sedapnya kesenangan hidup dan kepuasan. Persolan ini kalau kita teliti pada diri kita sendiri atas sifat manusia yang hidup berjuang untuk selera nafsunya, ten-

tu jawapannya ialah kerana merasa amat sedikit sekali menerima kurniaan Tuhan atau tidak menghargai sedikit-pun, biarpun nikmat itu telah ada dan dapat diperolehinya dengan mudah. Dengan itu dia selalu mengatakan, kami kekurangan ini dan itu, dan kami sangat

memerlukan ini dan itu. Mereka tidak pernah mengucapkan Alhamdulillah, kami telah memperolehi ini dan itu.

Tetapi orang-orang yang beriman, terasa oleh mereka akan kurniaan Allah yang tiada terbilang, yang datang dari segenap penjuru hidupnya. Tiada mereka merasai kekurangan kecuali kurniaan nikmat yang berterusan tatkala mereka duduk, berdiri, berbaring dan sebagainya.

### Firman Allah SWT

"..... iaitu orang-orang yang mengingat Allah sambil berdiri atau duduk atau berbaring dan mereka memikirkan tentang penciptaan langit dan bumi (seraya berkata), Ya Tuhan kami, tiadalah engkau menciptakan ini dengan sia-sia, Maha Suci Engkau, maka peliharalah kami dari siksa neraka."

(Ali Imaran: ayat 191)

Setiap saat dan waktu dalam kehidupan mereka tiada beputusasa dari rahmat Allah. Mereka merasakan dan menyedari kurniaan Allah kepadanya, sejak dari masa ia berada dalam rahim ibunya walaupun pada masa itu ia tiada menyadarinya. Disedarinya bahawa mulai dilahirkan ia tidak mempunyai gigi untuk mengunyah, tangannya belum mempunyai kekuatan dan kaki belum dapat berjalan. Lalu Allah mengadakan dua pipa di dada ibunya dan kedua-duanya mengalirkan susu yang bersih, cukup memberikan makanan yang perlu, mendatangkan panas ketika musim dinning dan sejuk dimusim

panas.

Selain dari itu, Allah telah menanamkan perasaan kasih sayang di hati ibu bapa dan segenap keluarga, sehingga mereka rela bersusah payah dan berjaga di malam hari untuk kepentingan dan keselamatan bayi yang baru lahir.

Semasa ia berada dalam rahim ibunya sebagai janin, diadakan Allah tempat yang baik, disediakan Allah makanan, pemanasan badan dan sebagainya seperti yang diingatkan oleh Allah dengan firmanNya:

الْمَنْخَلَقُوكُمْ مِّنْ مَا مَهِينَ  
فَجَعَلْنَاهُ فِي قَرَارٍ مُّبِكِينٍ  
إِلَى قَدْرِ مَعْلُومٍ  
فَقَدْرُنَا فَنِعْمَ الْقَادِرُونَ •

(المرسلات: ٢٠ - ٢٢)

"Bukankah mereka Kami ciptakan dari air yang kotor? Dan Kami letakkan di tempat yang aman. Sampai waktu yang ditentukan. Lalu Kami tentukan (bentuknya), maka Kamilah yang paling pandai menentukan."

(Al Mursalat: ayat 20-23)

Orang-orang yang beriman tadi, menyedari kurniaan yang berada di sekelilingnya dari benda yang sekecil zarrah (sebesar atom) sampai kepada dirinya dan cakrawala yang jauh lebih besar. Semua kurniaan ini memudahkan penghidupannya dan memberikan per-

tolongan kepadanya dalam menjalankan tugas harian ini. Dia merasai kurniaan ini dalam hembusan angin, perjalanan awan, terbitnya matahari, perubahan malam dan siang dan lain-lain lagi.

Perkara ini telah diperingatkan oleh Allah di dalam Al-Quran secara berulang-ulang agar manusia memikir akan hakikat yang sebenarnya mereka diciptakan dan kurniaan ke atas mereka.

Firman Allah:-

الْمَرْوَانُ اللَّهُ سُخْرٌ لَّكُمْ مَا فِي السَّمَاوَاتِ  
وَمَا فِي الْأَرْضِ وَاسْبَغْ عَلَيْكُمْ نِعْمَةً كَاهِرَةً  
وَبِاطِنَةً  
(نَفْعَانٌ: ٢٠)

"Tiadakah kamu perhatikan, bahawa Allah telah mengadakan untuk kamu apa yang ada di langit dan di bumi dan di cukupkanNya untuk kamu kur-niaNya lahir dan bathin?"

(Luqman: ayat 20)

Dengan bimbingan Al-Quran maka jelas dan teranglah bekas rahmat Allah dan nikmatNya pada segala sesuatu dalam alam sekitar ini. Adapun nikmat Allah pada diri manusia, sesungguhnya sangat besar dan sangat tinggi nilainya. Di antaranya nikmat menciptakan (Al Insan: ayat 1-2), nikmat kemanusiaan (Al Isra: ayat 70), nikmat kesanggupan menanggapi dan mengetahui, kesanggupan berbicara terang dan tahu tulis, rezeki iman dan pimpinan serta nikmat persaudaraan.

Firman Allah:

"Dan kenangkanlah nikmat Allah kepada kamu, ketika kamu dahulu bermush-musuhan, lalu disatukan oleh Allah antara hati kamu, sehingga dengan kurnia Allah, kamu menjadi bersaudara."

(Ali Imran: ayat 103)

Dalam surah Al-Anfal, ayat 63: "Dan Tuhan menyusun (mempersatukan) antara hati mereka. Kalau sekiranya engkau belanjakan seluruh apa yang ada di bumi, nescaya engkau tidak akan dapat menyatukan hati mereka, tetapi Allah dapat menyatukan hati mereka. Dan Dia Maha Kuasa Lagi Bijaksana."

Nikmat yang paling besar dikehapi oleh orang-orang yang beriman ialah nikmat IMAN iaitu nikmat beragama Islam. Tanpa keimanan, bagaimana sekali pun ia mengakui kekuasaan Allah namun ia tetap juga belum mengecapi hidup di bawah lembayung rahmat Allah. Jasa keimanan itu sangat besar dalam membatasi jiwa manusia dari mengikuti bisikan hawa nafsu. Nafsu yang tidak mengenal kepuasan dan nafsu yang tak mau tahu tentang batas halal dan haram. Akibatnya ia menjadi manusia laksana binatang.

Firman Allah:

"..... mereka itu sebagai binatang ternak, bahkan mereka lebih sesat lagi. Mereka itulah orang-orang yang larai."

(Surah Al-A'raaf: ayat 179)

Iman memberikan kepada manusia kepuasan tentang apa yang diberikan Allah, dalam hal-hal yang manusia lain tidak dapat merubahkannya atau tidak ada kesanggupan untuk mencapainya, biar dengan usaha dan tipu daya manapun. Apabila dalam masa kesusahan dan kesulitan yang menimpa perseorangan dan masyarakat, sifat qanaah (menerima dengan syukur segala nikmat dari Allah) sangatlah memberikan pertolongan bagi ketenteraman dan perdamaian dalam jiwanya.

Kesenangan dan kepuasan dalam hidup ini, bukan pula berarti senang melihat segala apa yang terjadi dalam gelanggang hidup dan tinggal diam melihat kepincangan-kepincangan dan penyelewengan yang dilakukan oleh sebahagian manusia. Bukankah sampai keperingkat ini sikap mereka, tapi rasa tanggungjawab dalam hidup itu akan menimbulkan kebencian tatkala melihat

berlakunya kezaliman dan penyelewengan dari kebenaran. Berjuang membetulkan yang bathil dan berkurban untuk mempertahankan kebenaran, menjadi kesenangan orang beriman (inilah punca kenikmatan iman) dan memberikan kepuasan kepadanya, biarpun kerana itu dia mengalami beberapa kesusahan dan kerugian.

Firman Allah SWT.

“Maka mengapa tidak ada daripada ummat-ummat yang sebelum kamu orang-orang yang mempunyai keutamaan yang melarang dari (mengerjakan) kerosakan dimuka bumi, kecuali sebahagian kecil diantara orang-orang yang telah kami selamatkan diantara mereka, dan orang-orang yang zalim hanya mementingkan kenikmatan yang mewah yang ada pada mereka, dan mereka itu adalah orang-orang yang berdosa.”

(Surah Al-Hud: ayat 116)  
WALLAHU A'LAM

”أَنَّ اللَّهَ يُحِبُّ إِذَا عَمِلْتَ حَدَّ كُمْ عَلَانِيْتَهُ .  
(روا ما أبى هرثة عن عائشة رضي الله عنها ) .

sebahagian manusia. Bukanlah sampai Sesungguhnya Allah Ta’ala suka, apabila seseorang kamu mengerjakan satu pekerjaan, agar ia hadapi pekerjaan itu dengan penuh kesungguhan.

(Riwayat Baihaqi dari Aisyah r.a.).

**Sebuah cabaran  
kaum muslimin Australia!**

**GERAKAN EKSTREMIS  
BAGI MEMERANGI  
MUSLIMIN DI AUSTRALIA**

هيئة متطرفة لمحاربة المسلمين في استراليا



*Kaum muslimin Australia siap menghadapi sibacang cabaran !!!!*

Suatu gerakan yang ekstrim di Australia yang menamakan diri (Gerakan Pemberantasan Kaum Muslimin Australia) kini telah meningkatkan mission mereka bagi menentang kaum muslimin disana.

Akhir-akhir ini mereka telah mengeluarkan satu kenyataan dimana mereka menuntut keluarnya semua juru da'wah, para imam dan penduduk yang

beragama Islam dari Australia. Mereka menuduh dalam kenyataan yang berkenaan bahwa kaum muslimin akan mendatangkan suatu bahaya diatas Australia, kerana mereka lah yang menyebabkan punca kejahilan, pertikaian dan kebiadaban.

Generasi Muda Australia telah mengadakan penentangan keras terhadap aktiviti destruktif ini bagi

memerangi kaum muslimin disini.

Diperkirakan sumber-sumber atau punca gerakan keji semacam ini tidak jauh dari pengaruh tekanan Yahudi terhadap Gerakan Ekstrimis tersebut dalam rangka menentang Islam

khasnya di Australia, dan amnya dari semua kawasan dunia.  
(Rabithah Alam Islami,  
No. 982,  
Dzul Qa'dah 1406 H).

## RANGKUMAN DOA

### SETELAH SELESAI BERWUDHU

أَشْهَدُ أَنَّ لِلَّهِ إِلَهًا وَحْدَةً لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ  
وَرَسُولُهُ اللَّهُمَّ اجْعَلْنِي مِنَ التَّوَابِينَ وَاجْعَلْنِي مِنَ النَّاطِقِينَ.

Asyhadu anlaa ilaaha illallaahu wahdahu laa syariikalah, wa asyhadu annaa Muhammadan abduhu warasuuluh. Allaahumma j 'alnii minat tawwaabiina, waj'alnii minal mutathahhiriin.

#### Ertinya:-

"Aku bersaksi bahawa tiada Tuhan melainkan Allah. Tiada sekutu bagiNya, dan aku bersaksi pula bahawa Muhammad itu hamba dan RasulNya. Ya Allah, jadikanlah aku daripada golongan orang-orang yang bertaubat, dan jadikan pula aku dari golongan orang-orang yang bersih."

(Hadis riwayat Muslim dan Tirmizi)

Dari Umar b. Khattab berkata, Nabi bersabda:

"Barangsiapa melakukan wudhu' dengan sebaik-baiknya kemudian ia membaca doa (tersebut diatas), kelak delapan pintu syurga akan terbuka, dimana ia boleh masuk dari pintu mana saja yang iakehendaki."



*Pelaksanaan Qurban di hadapan Masjid Darul Iman selepas Salat Hari Raya Idul Adha 1406H.*

## **BERHARI RAYA IDUL ADHA DI DARUL IMAN TEBEDU**

Hari Raya Qurban atau lebih dikenali dengan Hari Raya Haji 1406H telah disambut buat pertama kalinya di Darul IMAN, Tebedu dengan cara sederhana dan mengorbankan seekor sapi.

Darul IMAN, sebuah kampung Islam yang baru lahir dalam tahun

1983, adalah lebih dikenali dengan nama "SEKEBUS" yang berarti "kawasan mati" telah dibeli oleh BINA untuk dijadikan kampung saudara baru dalam tahun 1983.

Kampung ini mempunyai kawasan seluas kira-kira enam puluh ekar. Rumah-rumah kecil yang telah dibina



Jemaah kaum Ibu yang turut bertakbir di Masjid Darul Iman.

sebanyak 20 pintu, dan mempunyai 60 jiwa termasuk kanak-kanak.

Sebuah masjid yang berharga \$35,000.00 bantuan kerajaan telah dibina diatas bukit pada bulan December, 1983.

Seorang guru agama yang dibayar oleh Tabung Zakat Majlis Islam, dan sedikit bantuan BINA, telah diarah mengajar disini dua minggu pada tiap-tiap bulan.

Pada 15 Ogos, 1986 yang baru lepas, satu rombongan dari ANGKATAN NAHDHATUL ISLAM BERSATU BINA yang diketui oleh Ustaz Haji Mohd. Fauzi Mohidin telah berhari raya di kampung ini. Lepas sembahyang dan

khutbah, telah diadakan "Qurban" seekor sapi untuk di bahagi-bahagi kepada keluarga saudara muallaf di kawasan Tebedu.

Turut hadir berjemaah di masjid pada pagi raya yang mulia itu, ialah mereka dari Kampung Tebedu, Kampung Sungau, Bengan, Temong, Kampung Tepoi, dan Darul Iman.

Kerana di dalam daerah kecil Tebedu masa kini, terdapat lebih dari tiga ratus saudara muallaf dari suku kaum Bidayuh. 2 buah Masjid telah dibina di kawasan ini. Sebuah di Darul Iman dan sebuah lagi di Darul Falah, Kampung Temong kira-kira 10 kilo meter di pendalaman. Kemungkinan

pihak BINA akan membina sebuah lagi di Kampung Tepoi, kerana memandangkan ramai dari kaum ini akan menganut agama Islam di masa yang akan datang.

Alhamdulillah, kini gema takbir dan tahmid, memuji kebesaran Allah telah dapat dikumandangkan di angkasa dalam daerah kecil ini. Dimana dahulunya tidak pernah di dengar.

Dengan lahirnya beberapa buah kampung Islam di rantau ini, sinar Islam akan lebih bercahaya di masa masa yang akan datang, insya Allah. Allahu Akbar walillahil hamd.

Disediakan oleh  
(USTAZ HAJI MOHD. FAUZI  
MOHIDDIN)



Upacara takbir Idul Adha sebelum berjemaah

sembahyang hari raya di Masjid Darul Iman pada 15/8/1986.

**JUMLAH KAUM MUSLIMIN  
DI UNI SOFYET  
BERTAMBAH BESAR**  
**SEBUAH BOM MELETUP  
HANCURKAN KUBU  
PERTAHANAN KOMUNIS**

Dalam mempelajari keadaan kaum muslimin di Uni Sovyet, Perwakilan Berita Reuter mensifatkan kaum muslimin disana sebagai sebuah bom waktu yang bila-bila masa (cepat atau lambat) boleh meletup bagi memutar balikkan neraca keseimbangan di-

kawasan Islam di sana kearah perbaikan Islam menentang Komunis.

Selanjutnya Perwakilan Berita itu menyebutkan bahawa pihak penguasa Komunis di Uni Sofyet telah menyedari adanya bahaya kebangkitan Islam yang dilancarkan secara rahsia oleh



Gambar menunjukkan "generasi pelapis" Islam di Amerika Syarikat.

Kerajaan-Kerajaan Republik yang memiliki penduduk yang padat Islamnya di Selatan Uni Sofyet itu. Perwakilan Berita itu telah mengeluarkan peringatan yang disiarkan melalui surat khabar Pravda, suara resmi Parti komunis Uni Sofyet, dimana dikemukakan rasa cemánsya penguasa Komunis bagi bertambah dan meningkatnya rasa kesedaran beragama di kalangan belia dikawasan kawasan Islam, dan mereka menyerukan diadakannya missi penyerbuan bagi menentang apa yang disifatkan "agama yang omong-kosong" yang merasuk kedalam jiwa para belia Islam, dan menghajatkan intensifikasi missi bagi penyebaran kemosyrikan (ilhad) diantara mereka, untuk melonggarkan ikatan keyakinan dan kembalinya

mereka kepada Islam.

Perwakilan Berita itu telah mengutip lapuran-lapuran surat khabar dan lapuran diplomatik yang diterima dari dalam negeri Uni Sofyet, dimana menyatakan bahawa yang paling mencemaskan Penguasa Komunis adalah pertambahan jumlah kaum muslimin secara mengejut disamping kurangnya jumlah penduduk Rusia, yang diperkirakan jumlah penduduk Persekutuan Sofyet pada tahun 2000 akan mencapai seramai 75 juta muslim, yakni disekitar 25% dari semua jumlah penduduk di Persekutuan Sofyet itu.

(Rabithah Alam Islami,  
No. 982, 21 Dzul Qa'dah 1406H)



• "خَيْرُ النَّاسِ مَنْ طَالَ عُمْرُهُ وَحَسَنَ أَعْمَلُهُ ."

• (رواه الترمذى )

"Sebaik-baik manusia ialah orang yang panjang usianya dan baik amalannya.  
(Riwayat Turmuzi).

## Latihan Guru Pendidikan Islam di New Mexico (USA)

Dalam bulan Julai ini, Setiausaha Agung Rabithah Alam Islami Dr. Abdullah Naseef telah berkenan membuka Latihan Pendidikan Khas bagi Guru-Guru Tarbiyah Islamiah di Masjid Agung "Darus Salam" di New Mexico USA. Latihan tersebut dipimpin oleh Dr. Hashim Mahdi, Pengarah Bagian Manhaj di Rabithah Alam Islami Mekkah Al Mukarromah.

## Bantuan Kewangan Dewan Masjid Se Dunia (Rabithah) bagi Lembaga-Lembaga Islam.

Setiausaha Agung Rabithah Alam Islami, Dr. Abdullah Naseef telah bersetuju diatas perbelanjaan sejumlah 15,000 real Saudi, bantuan dari Kewangan Masjid Rabithah, untuk membantu Jamiyyah Madrasah Quran di St. Tian Perancis, bagi mendapatkan bangunan tetap untuk Madrasah tersebut, sehingga dapat meneruskan aktifitinya dalam bidang Dakwah Islamiah.

Disamping itu, Setiausaha Agung

tersebut telah pula mengeluarkan persetujuannya bagi bantuan-bantuan terhadap Lembaga-Lembaga Islam berikut:

1. Masjid Kampung Shiwala dikawasan Nadulu Zambia, sejumlah 10,000 dollar US. Perlu dimaklumkan, bahawa penduduk Shiwala Zambia, majoritinya adalah beragama Islam, mereka telah memeluk agama ini sejak 800 tahun yang lalu. Untuk itu, membangun masjid akan lebih memberikan kesan dalam meningkatkan mutu kebudayaan yang lebih tinggi diantara penduduk negeri itu dan meluaskan kesempatan belajar bagi putra-putri mereka, sebagaimana juga akan bekerja untuk memelihara ahli penduduk kawasan tersebut dari bahaya missi Kristian yang senantiasa berusaha merebut hati mereka dengan tujuan mengikuti aqidahnya.
2. Masjid Kampung Wadgen Sudan, sejumlah 20,000 real Saudi
3. Masjid dan Madrasah Vakiara Republik Banin, sejumlah 10,000 real Saudi.
4. Pertubuhan Islam di Aberdeen

Britania, bagi pembangunan masjid dan Madrasah, sejumlah 20,000 real Saudi.

5. Bantuan khas dari Raja Fahd bin Abdul Aziz, bagi pengembangan pemikiran dan aqidah Islamiah di seluruh dunia.

### **MASUK AGAMA ISLAM**

2 orang: 1 Amerika dan 1 India, dihadapan Mahkamah Syari'ah Tinggi di Jeddah Arab Saudi, telah masuk agama Islam dengan penuh kesedaran dan sukarela.

Presiden Mahkamah dalam kesempatan itu telah memberikan nasihatnya kepada kedua saudara baru itu, agar senantiasa berpegang teguh dengan ajaran Islam yang berpandukan Al-Quran dan Sunnah.

### **JUMLAH KAUM MUSLIMIN DI BRITANIA**

#### **London**

Jumlah kaum muslimin di Britania melebihi 1.5 juta jiwa, kebanyakannya mereka datang dari Pakistan, Bangladesh, dan selebihnya dari negara-negara Arab, Afrika, India dan Cyprus serta Malaysia.

Menurut satu buku yang dikeluarkan setiap tahun oleh Jabatan Penerangan di Britania, menyatakan bahawa jumlah ini tidak termasuk kaum muslimin yang datang dari negeri asing lainnya saja, tetapi juga terdapat mereka yang merupakan penduduk asli Britania yang telah memeluk agama Islam.

Kenyataan itupun mengemukakan bahawa jumlah masjid dan pusat-pusat Islam disana ada melebihi dari 1000 masjid dan pusat Islam. Adapun jumlah Yahudi, sebagaimana dijelaskan oleh sumber tersebut, adalah mencapai 360,000 jiwa, dan semuanya dari Spain, Portugal dan Jerman.

### **KHATAMAL QURAN DI AUSTRIA**

#### **Vienna**

Imam Masjid Al-Fath di Vienna Alauddin Arkan memberikan penjelasan bahawa 300 kanak-kanak dari putra-putri Muslim Turki yang bermukim di Austria telah khatam Al-Quranul karim selama bulan Puasa Ramadhan yang lepas ini. Dan telahpun diadakan upacara bersempena dengan Khatamal Quran tersebut, untuk lebih menggalakkan lagi, khasnya bagi yang hafaz Al-Quran

(RAI, No. 978)  
30 Jun, 1986)

## TIGA FAKTOR BAGI MEMPEROLEHI KEJAYAAN

سَيِّئَاتٍ عَلَيْكُمْ زَمَانٌ لَا يَكُونُ فِيهِ  
شَيْءٌ أَعَزُّ مِنْ ثَلَاثَةِ دِرْهَمٍ حَلَالٍ  
أَوْ أَخَرْ يَسْتَأْنِسُ بِهِ  
أَوْ سَيِّئَةٌ يَعْمَلُ بِهَا.

(رواه الطبراني)

### Maksudnya:

"Akan datang kepadamu satu masa, dimana pada waktu itu tidak sesuatupun yang paling menguntungkan, kecuali tiga perkara: dirham yang halal, saudara yang berlemah lembut dan sunnah yang diamalkan."  
(Riwayat Thabrani).

### Penjelasan

- 1 Dirham menurut arti yang sempit ialah wang. Tetapi dalam arti yang luas adalah harta benda dan semua rezki dan rahmat Allah yang telah dianugerahkan-Nya untuk kepentingan hidup dan keperluan ke-

hidupan manusia.

- 2 Saudara yang berlemah lembut adalah saudara sesama Muslim, seiman dan seagama.  
Al-Quran, surah Al-Hujurat (49) ayat 10:

أَنَّمَا الْمُؤْمِنُونَ إِخْرَاجُهُ .

(الحجرات : ١٠)

- a) "Orang-orang Mu'min semuanya bersaudara"  
Sabda Rasulullah s.a.w.

الْمُسْلِمُ اخْوَالُ الْمُسْلِمِ .

- b) "Orang Islam adalah saudara kepada orang Islam lainnya."
- 3 Sunnah menurut arti yang umum ialah jalan yang dituruti, atau tradisi atau adat yang sudah membudaya dalam masyarakat. Tetapi sunnah menurut pengertian Agama ialah setiap perkataan, perbuatan dan penetapan daripada Nabi Muhammad s.a.w.

### Keterangan

Satu tinjauan yang jauh kebelakang daripada Nabi Muhammad s.a.w. seperti mana tersebut dalam hadis diatas, adalah sungguh sangat tepat. Hal ini diucapkan oleh Rasulullah sudah 14 abad yang silam. Hadis tersebut mengandung maksud kebalikannya (*mafhum mukhalafah*), kerana dizaman moden seperti sekarang, ketiga-tiga perkara tersebut masih jarang sekali terlihat kenyataannya.

Dirham yang halal susah dijumpai. Saudara sesama Muslim yang berlemah lembut sukar diperdapat. Sunnah Nabi Muhammad s.a.w. yang dilaksanakan, barangkali masih dapat dihitung dengan jari banyaknya. Maka keuntungan apa yang dapat kita capai dewasa ini?????

Kita tidak menutup mata terhadap usaha dan perjuangan manusia untuk mencapai keuntungan dan kebahagian hidupnya. Berbagai cara ditempuhnya, berbagai sektor pembangunan digalakkan, hubungan ekonomi antara bangsa diceburi, dan sebagainya.

Sudah barang tentu, bahawa manusia yang masih hidup dipermukaan bumi ini menghajatkan kepada tiga perkara tersebut: harta benda (dirham) sebagai modal (sektor ekonomi), saudara dan kawan hubungan business atau relasi (sektor sosial) dan sunnah atau peraturan dan perundangan (sektor politik).

Namun yang baru kita jumpai adalah pertumbuhan dan kemajuan yang tidak sihat. Harta kekayaan sekarang banyak beredar ditangan

orang-orang tertentu, biasanya yang dekat kepada Pengusa, yang diperolehinya dengan cara yang tidak halal, dari riba, korupsi, menipulasi dan berbagai bentuk kecurangan.

Persaudaraan dan persatuan yang kita dambakan selama ini hanyalah merupakan sesuatu yang masih berbentuk cogan dan lambang, masih jauh dari kenyataan. Bahkan yang paling menyedihkan hati, ada diantara kaum Muslimin, termasuk pemimpin dan pemukunya, yang merasa lebih senang berlemah lembut atau bersetia kawan dengan yang bukan Muslimin, bahkan mereka mau bekerjasama dengan musuh-musuh Islam sendiri.

Tidak sedikit kita jumpai golongan yang rela menghancurkan saudaranya sendiri dan gigih berusaha untuk memusnahkan sesamanya, demi keuntungan pribadi maupun kepentingan golongannya.

Tentang pelaksanaan Sunnah, tak payah ditanya lagi! Apabila kedua perkara tersebut diatas tidak diperdulikan, bagaimana mereka akan mampu mengikuti Sunnah Nabi Muhammad s.a.w. yang lainnya?

Mungkin zaman sekarang ini masih mengalami masa peralihan, dan "ramalan" Nabi tersebut masih belum terjadi.

Baiklah kita tunggu beberapa saat lagi. Yang jelas semuanya pasti akan terbukti. Bahawa pada satu ketika situasi dan kondisi akan bertukar dan berganti. Semua masih terkandung

dalam sejarah. Dan jawapannya ada pada masing-masing kita sendiri.

Pada waktu itu orang tidak mau lagi mengumpulkan harta yang haram. Orang tidak sudi lagi bermusuhan antara sesama ummat Islam, dan orang-orang pada masa itu berlumba untuk berbuat kebaikan dan melakukan kegiatan-kegiatan yang berguna dan berfaedah, sebagairnana telah digariskan oleh Nabi Besar Muhammad s.a.w. didalam sunnahnya.

### Kesimpulan:

شَرِكْتُ فِيْكُمْ امْرِيْنْ مَا انْ تَعْسِكُمْ  
بِهِ مَا لَنْ تَفْلِيْوَا ابْدَأْ، كِتَابَ اللّٰهِ  
وَسُنْنَةَ رَسُولِهِ .  
• (رواه مالك)

"Aku tinggalkan untukmu dua perkara, yang apabila kamu mau

berpegang teguh dengan keduanya, maka kamu tidak akan tersesat buat selama-lamanya, yakni: Kitabillah (Al-Quran) dan Sunnah Rasul-Nya."

(Hadist riwayat Malik)

Tanpa wang yang halal, tanpa persaudaraan yang kuat dan tanpa sunnah (ajaran Agama Islam yang dipraktikkan dan yang dicontohkan oleh Nabi Muhammad s.a.w.) yang dipegang teguh, maka mustahil kesejahteraan, kemakmuran dan kebahagiaan akan terwujud.

Situasi dan kondisi yang seperti itu sedang kita tunggu, bila akan menjadi kenyataan.

Mari kita sama-sama berdo'a dan bekerja keras! Semoga tidak akan lama lagi, "ramalan" Nabi s.a.w. dapat kita nimirati!

(OLEH HASAB)



”وَمَا تَفْعَلُوا مِنْ خَيْرٍ فَإِنَّ اللّٰهَ بِهِ عَلِيمٌ“  
• (البقرة : ٢١٥)

"Dan apa saja yang kamu lakukan dari kebaikan, maka sesungguhnya Allah adalah mengetahuinya."

(Al Baqarah: 215).

# MUTIARA HIKMAT

## NYATAKAN, LAKSANAKAN

لَا جُنُلُوا عِلْمَكُمْ جَهَلًا،

وَيَقِنُوكُمْ شَكًا،

إِذَا عَلِمْتُمْ فَاعْمَلُوا،

وَإِذَا تَيَقَّنْتُمْ فَاقْدِمُوا،

(الإمام علي بن أبي طالب)

Jangan kalian jadikan ilmumu sebagai suatu kebodohan!

Jangan kalian jadikan keyakinanmu sebagai suatu keraguan!

Kalau memang tahu, laksanakanlah!!

Kalau memang yakin, nyatakanlah!!

(AL IMRAN ALI BIN ABI THALIB)

كُنْ زَعِيمَ النَّاسِ إِنْ أَسْتَطَعْتَ،

فَادْعُهُزْتَ فَكُنْ زَعِيمَ نَفْسِكَ،

وَلَا تَطْلُبْ الْعَظَمَةَ مِنْ طَرِيقِ التَّشْيِعِ

لِلْعَظَمَاءِ،

وَالْتَّلْفُقُ بِهِمْ،

فَإِنْ فَتَلَتْ كُنْتَ التَّابِعُ الذَّلِيلُ،

وَكَانُوا الرَّعْمَاءُ وَالْأَعْزَاءُ.

Pemimpin Besar,  
Jadilah pemimpin manusia,  
Jika engkau bisa;  
Jika engkau lemah,  
Jadilah pemimpin untuk dirimu sendiri.  
Jangan meminta-minta kebesaran,  
Dengan jalan mengaku-ngaku orang besar,  
Atau dengan mengaitkan diri kepada mereka.

Jika itu kau lakukan,  
Engkau menjadi pengikut yang direndahkan.  
Dan merekalah pemimpin, yang mulia.

(MUSTHAFA LUTFI AL MANFALUTHY,  
AL NAZHARAT)

Dari Majalah Panji Masyarakat

# **MEMERLUKAN PELUKIS atau PELUKIS REKABENTUK**

Seperi

Buku, Poster, Card Jemputan, Logo, Card Hari Raya, Card Kahwin dan sebagainya, Kotak, Bungkusan, Majallah, Risalah dan lain-lain.

serta

mengurus pencetakan



Keterangan lanjut

Sila hubung

BUJANG ZENAL

148, KPG. TABUAN HILIR

JALAN SUNGEI APONG

KUCHING.

Rumah: Tel: 487381

Tempat Kerja: Tel: 51003



# AL-HUDA MENEMUI ANDA

DAPATKAN SETIAP KELUARAN

Terbitan Angkatan Nahdhatul  
Islam Bersatu (BINA)



**JANGAN LUPA!**

*Memberi sumbangan, berupa artikel, buah fikiran, kewangan  
bagi membantu penerbitan yang sekarang masih terbatas*

*Ibadahku, Hidup Matiku kerana Allah.  
Wabillahittauiq wal Hidayah.*